

# ಬೆಂಗಳೂರು ಕೊಡವ ಸಮಾಜತರ ಪತ್ರಿಕೆ

# ಪೊಂಬೊಳಕ್

Pombolak Kodava Monthly... ಕೊಡವಾಮೆರ ಬೊಳಜೆ

ಕ್ರಯ : 10 ಉರ್ಪಿಯ

ಸಂಪುಟ:9 ಸಂಚಿಕೆ: 7 ಮಾರ್ಚ್ 2013 ಪೊಂಬೊಳಕ್-ತಿಂಗಳಪತ್ರಿಕೆ ಕೊಡವ ಸಮಾಜ, ಬೆಂಗಳೂರು. Reg.No.: KARKOD0000/10.01.2011.TC 0:080-22260188 ಒಟ್ಟು ಪಾಳೆ 8

## ಬೆಂಗಳೂರು ಕೊಡವ ಸಮಾಜತರ ಹಾಕಿ ಕಳಿ

16ನೇ ಕಾಲತರ ಫೀ.ಮಾ. ಕೆ. ಎಂ. ಕಾರ್ಯಪ್ಪ ಕಪ್ ರಾಜ್ಯ ಹಾಕಿ : ಎಂ.ಇ.ಬಿ.ಕೆ.  
10ನೇ ಕಾಲತರ ಅಂತರ ಸಂಘ ಕೊಡವ ಸಮಾಜ ಕಪ್ : ಲೋಪಾಮುದ್ರೆ ಕೊಡವ ಸಂಘ ಮಡಿವಾಳಕ್.



ಗೊಪ್ಪು : ಲೋಪಾಮುದ್ರೆ ಕೊಡವ ಸಂಘ ಮಡಿವಾಳಕ್ ಟೀಕೆ

ಬೆಂಗಳೂರು ಕೊಡವ ಸಮಾಜ ಪಿಂಞ ಕೊಡವ ಸಮಾಜ ಸ್ಪೋರ್ಟ್ ಪಿಂಞ ರಿಕ್ರಿಯೇಶನ್ ಕ್ಲಬ್ ಕೊಟಾದನಲ್ ನಡಂದ 16ನೇ ಕಾಲತರ ಫೀ. ಮಾ. ಕೆ. ಎಂ. ಕಾರ್ಯಪ್ಪ ಕಪ್ ರಾಜ್ಯ ಮಟ್ಟತರ ಹಾಕಿ ಪೈನಲ್ ತಾ.10.2.2013ಂಗೆ ಮಜ್ಜಿ

2.30ಗಂಟೆಕ್ ಕೆ.ಎಸ್.ಎಚ್.ಎ ಪರಂಬುಲ್ ನಡಂದತ್. ಎಂ. ಇ. ಜಿ ಟೀಂ ಸಾಯಿ ಟೀಂನ 2-1 ಗೋಲ್ ಗೆದ್ದಿತ್ ಫೀ.ಮಾ. ಕೆ.ಎಂ. ಕಾರ್ಯಪ್ಪ ಕಪ್ ಪಡಂದಂಡತ್. ಅಂದ್ ನಡಂದ 10ನೇ ಕಾಲತರ ಅಂತರ ಸಂಘ ಕೊಡವ

ಸಮಾಜ ಕಪ್ ಹಾಕಿ ಕಳಿಲ್ ಮಡಿವಾಳತರ ಲೋಪಾಮುದ್ರೆ ಕೊಡವ ಸಂಘ ಟೀಂ ಸಡನ್ ಡೆತ್ ಬಾಣಸವಾಡಿ ಏರಿಂ ಕೊಡವ ಅಸೋಸಿಯೇಷನ್ ಟೀಮ್‌ಕ್ 5-4 ಗೋಲ್ ಪೂಜ್ಜಿತ್, ಕೊಡವ ಸಮಾಜ ಕಪ್ ಪಡಂದಂಡತ್. ದಾಕಿ 2 ನೇ ಪಾಳೆಲ್

## ದಾಸರಜ್ಜಿ ಕಾವೇರಿ ಸ್ಕೂಲ್ ಡೇ



ಬೆಂಗಳೂರು ಪೀಣ್ಯ ದಾಸರಜ್ಜಿ- ಲ್ ಉಳ್ಳ ಶ್ರೀ ಕಾವೇರಿ ಸ್ಕೂಲ್ ಕಾಲತರ ದಿನಾಚರಣೆ ತಾ.02.02.2013ಂ ದ್, ಕೊಡವ ಸಮಾಜ ಅಧ್ಯಕ್ಷ ಚೆಪ್ಪುಡಿ ಎಂ. ಸುಬ್ಬಯ್ಯಂಡ ಅಧ್ಯಕ್ಷತಲ್ ನಡಂದತ್ ಕೊಡವ ಸಮಾಜ ಎಜುಕೇಶನ್ ಕೌನ್ಸಿಲ್ ಅಧ್ಯಕ್ಷಿಣಿ ಕೇಳಪಂಡ ದೇಚಿ ಅಚ್ಚಪ್ಪ ವಿಜ್ಞಾನ ವಸ್ತು ಪ್ರದರ್ಶನ್ ತೆಲಂದತ್. ಸವಾರಂಭತ್ ಕೊಡವ ಸಮಾಜ ಸಹ ಖಜಾಂಚಿ ಅಲ್ಲಪ್ಪಿರ ಪಿ. ಪೂವಪ್ಪ, ಎಜುಕೇಶನ್ ಕೌನ್ಸಿಲ್ ತಾ.02.02.2013ಂ ದ್, ಕಾರ್ಯದರ್ಶಿ ಪಾಡೆಯಂಡ ಟಿ. ಚಂಗಪ್ಪ, ಪೀಣ್ಯ ದಾಸರಜ್ಜಿ ಕೊಡವ ಸಮಾಜ ಅಧ್ಯಕ್ಷ ಚೇರಂಡ ಪೂವಂಯ್ಯ ವೇದಿಕೆಲಿಂಚತ್. ಮಕ್ಕಡ್ ಫಲತರ ಡಾನ್ ಕಾರ್ಯಕ್ರಮ ನಡತ್ ಪಿ. ಕಾರ್ಯಕ್ರಮ ನಿರೂಪಣೆ ಶಾಲಿನಿ.

ಪೋಟೋಗ್ರಾಫಿ 2ನೇ ಪಾಳೆಲ್

## ಗಣರಾಜ್ಯೋತ್ಸವ ಪರೇಡಲ್ ನೆಲ್ಲಚಂಡ ರಿಶಿ ಪೂವಮ್ಮ ಅಂದ್ ಅಪ್ಪ ಪಿಂಞ ಇಂದ್ ಮೋವಡ ವಿಶೇಷ ಸಾಧನೆ



ಕಯಿಂಜ ಜನವರಿ 26ಂ ದ್ ಡೆಲ್ಲಿ ಲ್ ನಡಂದ ಗಣರಾಜ್ಯೋತ್ಸವ ಪರೇಡಲ್ ಎನ್.ಸಿ.ಸಿ.(ನೆಮಿ) ವಿಭಾಗತ್ ಬೆಂಗಳೂರಲಿಲ್ಲ ನೆಲ್ಲಚಂಡ ರಿಶಿ ಪೂವಮ್ಮ ಭಾಗವಹಿಸಿ- ತಿಂಜತ್. ರಿಶಿ ಪೂವಮ್ಮ ಶಿಫ್ ಮೊಡಲಿಂಗೆ ಪಿಂಞ ಬ್ರೀಪಿಂಗ್ ವಿಭಾಗಕ್ ಆಯ್ಕೆ ಆಯಿತ್ 17 ಡೈರೆಕ್ಟೋರೇಟ್ 2ನೇ ಸ್ಥಾನತ್ ಬೊಳ್ಳಿರ ಪದಕ ಪಡಂದಿತ್. ಬೆಂಗಳೂರು ವಿವೇಕ ನಗರತ್ ಉಳ್ಳ ನೆಲ್ಲಚಂಡ ಪ್ರಕಾಶ್ ನಾಣಯ್ಯ ಪಿಂಞ(ಹೇಮ-ರೇಖೆ-ತಾಮನ ಮಚ್ಚಿಟ್ಟಿರ) ದಂಪತಿಯಡ ಮೋವ ರಿಶಿ ಪೂವಮ್ಮ ಇಕ್ಕ ಬೆಂಗಳೂರು ಕೊರಮಂಗಲತ್ ಸೈಂಟ್ ಪ್ರಾನ್ಸಿಸ್ ಕಾಲೇಜಲ್ ಒಂದನೇ ಪಿಯುಸಿ ಓದಿಯಂಡುಂಡ್. ಪತ್ರಿಕೆ ಕ್ಲಾಫ್ ಓದಿಯಂಡಿಪ್ಪುಕ್ ರಾಜ್ಯ ಮಟ್ಟತರ ಹಾಕಿ ಕಳಿಲೂ ಕೊಡಿಯಾಡಿತ್ ರಿಶಿ ಪೂವಮ್ಮ ಸಾಧನೆ ಮಾಡಿತ್.

ಅಪ್ಪ ರೇಖೆಚಂಡ ಸಾಧನೆ: ರಿಶಿ ಪೂವಮ್ಮಂಡ ಅಪ್ಪ ರೇಖೆ 20 ಕಾಲಕ್ ಬಯ್ಯ ಎಣ್ಣೆಕ್ 1993ನೇ ಇಸವಿಲ್ ನಡಂದ ಗಣರಾಜ್ಯೋತ್ಸವ ಪರೇಡಲ್ ಪೀರಾಜಪೇಟೆ ಕಾವೇರಿ ಮೂಡಿ ಮಕ್ಕಡ ಕಾಲೇಜ್ ಎನ್.ಸಿ.ಸಿ. ಪರ ಭಾಗವಹಿಸಿತಿಂಜತ್. 'ಅಂದ್ ಅಪ್ಪ ಇಂದ್ ಮೋವ' ಎಣ್ಣೆವನ್ನಕೆ ಅಪ್ಪ ಮೋವಡ ಸಾಧನೆ ವಿಶೇಷ ಆಯಿತುಂಡ್. ಇಯಂಡ್ ಪೋನ್ : 9880584221

## ಅಂಜಪರವಂಡ ಸುಬ್ಬಯ್ಯಂಡ್ ದೊರವ ಡಾಕ್ಟರೇಚೆ

ಒಲಂಪಿಯನ್ ಹಾಕಿ ಕಳಿಕಾರ ಗೋಲ್ಕೇಪರ್ ಅಂಜಪರವಂಡ ಬಿ. ಸುಬ್ಬಯ್ಯಂಗ್ ಮಂಗಳೂರು ವಿಶ್ವವಿದ್ಯಾಲಯಕಾರ ತಾ.23.02.2013 ಂದ ಗೌರವ ಡಾಕ್ಟರೇಟ್ ಕೊಡ್ತಿತ್ ಗೌರವಿಚಿಟ್ಟಿತ್. ಪರಿಚಯ 3ನೇ ಪಾಳೆಲ್

## ಮಾಜಿನ 31ಂಗೆ ಟಿ. ತಿಮ್ಮಯ್ಯ ಪುಟ್ಟಣ್ ದಿನ



ಸೇನಾನಿ, ಜನರಲ್ ಕೊಡಂದೇರ ಎಸ್. ತಿಮ್ಮಯ್ಯಂಡ 107ನೇ ಪುಟ್ಟಣ್ ದಿನ ತಾ.31.03.2013 ಂದ ಆಚರಣೆವದುಂಡ್. ಬೆಂಗಳೂರು ಕೊಡವ ಸಮಾಜಕಾರ ಅಂದ್ ಪೊಲಾಕ, ನಗರತರ ಎಎಸ್.ಸಿ ಸೆಂಟರ್ ಉಳ್ಳ ಜಿ. ತಿಮ್ಮಯ್ಯ ಸಮಾಧಿಕ್ ಪೂವ ಇಟ್ಟಿತ್ ಗೌರವಿಚಿಡ್ ವ ಕಾರ್ಯಕ್ರಮ ಬೆಚ್ಚಂಡಿತ್.

ಬೆಂಗಳೂರು ಕೊಡವ ಸಮಾಜ ವೆಬ್‌ಸೈಟ್  
www.kodavasamajabangalore.in  
Email : kodavasamajabl@gmail.com

## ಬೆಂಗಳೂರು ಕೊಡವ ಸಮಾಜ ದಿವ್ಯಾಣಿಧಿಕ್ 1 ಲಕ್ಷ ಧಾನ

ಬೆಂಗಳೂರು ಕೊಡವ ಸಮಾಜ ವಿದ್ಯಾನಿಧಿಕ್ ಯು.ಕೆ.ಲ್ ಉಳ್ಳ ಕುಮಾರಿ ಚೆಂಬಾಂಡ ಉಮಾ ಕುಶಾಲಪ್ಪ ತಾಂಡ ಅಪ್ಪ ಡಾ. ಚೆಂಬಾಂಡ ಕಾರ್ಯಪ್ಪ ಕುಶಾಲಪ್ಪ ಪಿಂಞ ಅವ್ ಚೆಂಬಾಂಡ ಮತ್ತು ಕುಶಾಲಪ್ಪ (ತಾಮನ-ಕೋಟೆ-ಚಿಣ್ಣಪ್ಪಂಡ ಮೋವ)ಂಡ ಪದತ್ ಒರ್ ಲಕ್ಷ ಉ. ದಾನ ಮಾಡಿತ್.

## ಮಡಿಕೇರಿಲ್ ಇ.ತಿಮ್ಮಯ್ಯ ಪುಟ್ಟಣ್ ದಿನ ಆಚರಣೆ

ಮಡಿಕೇರಿಲ್ ಫಿ.ಮಾ.ಕಾರ್ಯಪ್ಪ ಪಿಂಞ ಜನರಲ್ ತಿಮ್ಮಯ್ಯ ಪೋರಂಕಾರ, ಸೇನಾನಿ, ಜನರಲ್ ಕೊಡಂದೇರ ಎಸ್. ತಿಮ್ಮಯ್ಯಂಡ 107ನೇ ಪುಟ್ಟಣ್ ನಮ್ಮನ ಮಾರ್ಚ್ 31 ಂದ ಪೊಲಾಕ ಮಡಿಕೇರಿಲುಳ್ಳ ಸನ್ನಿ ಸೈಡಲ್ ಆಚರಣೆ ಮಾಡ್‌ವದುಂಡ್.

## ತೊಡರ್ ಪ್ರೆಂಟ್ ಪ್ರೆಂಟ್ ಅಧ್ಯಕ್ಷ ಉಳ್ಳಯೆ ಎಂ. ಪೂವಯ್ಯ



ಮಡಿಕೇರಿಲುಳ್ಳ "ಕೊಡಗ್ ಪ್ರೆಂಟ್ ಕ್ಲಬ್"ರ ಪ್ರೆಂಟ್ ಅಧ್ಯಕ್ಷನಾಯಿಕ್ 'ಬ್ರಹ್ಮಗಿರಿ' ಕೊಡವ ವಾರಪತ್ರಿಕೆರ ಸಂಪಾದಕ ಉಳ್ಳಯೆ ಎಂ. ಪೂವಯ್ಯ ಆಯ್ಕೆ ಆಯಿತ್. ತಾ.20.02.2013ಂ ದ್ ಮಡಿಕೇರಿ ಪ್ರೆಂಟ್ ಕ್ಲಬ್ ನಡಂದ ಸಮಿತಿ ಸಭೆರ ಅಧ್ಯಕ್ಷತೆನ ಪ್ರೆಂಟ್ ಕ್ಲಬ್ ಅಧ್ಯಕ್ಷ ಎಚ್. ಟಿ. ಅನಿಲ್ ವಹಿಸಿತಿಂಜತ್. ಈ ಸಂದರ್ಭತ್ ಪೂವಯ್ಯ ಅಧಿಕಾರ ವಹಿಸಿ-ಯಂಡಿತ್. ಬಾಕಿ 7ನೇ ಪಾಳೆಲ್

**ದಾಸರಟ್ಟ ಶ್ರೀ ಕಾವೇರಿ ಸ್ಕೂಲ್ ಡೇ ಮೋಟೋನ್**



**ಬೆಂಗಳೂರ್ ಕೊಡವ ಸಮಾಜತ್ ದಂಡ್ ಹಾಕಿ ಕಟ್ಟಿ**

ಫೆಬ್ರವರಿ ತಾ.10ಗ್ ಫೀ.ಮಾ. ಕಾರ್ಯಪ್ಪ ಕಪ್ ಹಾಕಿನ ಕೊಡವ ಸಮಾಜ ಅಧ್ಯಕ್ಷ ಚೆಪ್ಪುಡಿರ ಎಂ.ಸುಬ್ಬಯ್ಯ ಉದ್ಘಾಟನೆ ಮಾಡ್ಚಿ. ಕ್ಲಬ್ ಅಧ್ಯಕ್ಷ ಕೊಕ್ಕಲೆರ ಟಿ. ಕುಟ್ಟಪ್ಪ ಪಿಂಞ ಸಮಿತಿಕಾರ, ಕ್ರೀಡಾ ಸಮಿತಿಕಾರ ಕೂಡಿಂಜಿತ್. ಈ ಟೂರ್ನಮೆಂಟ್ ರಾಜ್ಯ ಮಟ್ಟತ್ ಒಟ್ಟು 10 ಟೀಂಕಾರ ಕೂಡಿಯಾಡ್ಚಿ. ಫೋಲ್'ಎ'ಲ್: ಸಾಯಿ, ಎಂ.ಇ.ಜಿ. ಎಚ್.ಎ. ಎಲ್, ಡಿವೈಎಸ್.ಎಸ್, ಪಿಂಞ ಕೆ.ಎಸ್.ಪಿ. ಅಲ್ಲತ್ ಫೋಲ್'ಬಿ'ಲ್ ಆರ್ಮಿ ಗ್ರೀನ್, ಎ.ಎಸ್.ಸಿ, ಬಿಇಎಂಎಲ್, ಸೆಂಟ್ರಲ್ ಎಕ್ಸ್ಪ್ಲೋ ಪಿಂಞ ಕಂಪೈನ್ಯ ಕೊಡವ ಸಮಾಜಟೀಂಕಾರ ಕಳಿಚ್ತ್. ಪೈನಲ್ ಸಮಾರಂಭ್ ಕ್ ಬ್ರಿಗೇಡಿಯರ್ (ನಿವೃತ್ತ) ಚೌಂದ್ರಿ ಜಗದೀಶ್ ಕುಶಾಲಪ್ಪ ಮುಖ್ಯ ಬೆಂದಂವಾಯಿತ್ ಬಂದಿತಿಂಜತ್. ಕೊಡವ ಸಮಾಜ ಪಿಂಞ ಕೊಡವ ಸಮಾಜ ಸ್ಪೋರ್ಟ್ ಪಿಂಞ ರಿಕ್ರಿಯೇಶನ್ ಕ್ಲಬ್ ಆಡಳಿತ

ವುಂಡ್ಳಿಕಾರ, ಕ್ರೀಡಾ ಸಮಿತಿಕಾರ ಕೂಡಿಂಜಿತ್. ಜನವರಿ ತಾ. 25, 26 ಪಿಂಞ 27 ಂಗ ಅಂತರ ಸಂಘ ಕೊಡವ ಸಮಾಜ ಕಪ್ ಹಾಕಿ ಕಳಿಚ್ಚಿ ಕೊಡವ ಸಮಾಜ ಅಧ್ಯಕ್ಷ ಚೆಪ್ಪುಡಿರ ಎಂ.ಸುಬ್ಬಯ್ಯ ಉದ್ಘಾಟನೆ ಮಾಡ್ಚಿ. ಸಮಾಜ ಪದಾಧಿಕಾರಿಯಳಾನ ಉಪಾ-ಧ್ಯಕ್ಷಿಣಿ ಮುಕ್ಕಾಟೀರ ವಾಣಿ ನಾಣಿಯ್ಯ, ಕಾರ್ಯದರ್ಶಿ ಚೇನಂದ ಎ. ಮಾದಪ್ಪ, ಸಹಕಾರ್ಯದರ್ಶಿ ಕೈಬುಲಿರ ಕೆ. ಪೂರ್ಣಿಮಾ, ವಿಜಾಂಚಿ ಬಲ್ಲಡಿಚಂಡ ಎ. ಮಾಚಯ್ಯ, ಸಹ ಖಜಾಂಚಿ ಅಲ್ಲಪ್ಪಿರ ಪೂವಪ್ಪ, ಕ್ರೀಡಾ ಸಮಿತಿರ ಪದಾಧಿಕಾರಿಯ ಎಲ್ಲಾ ಸಂಘಕಾರ ಏರ ಸಂಪೈಲ್ ಕೂಡಿಂಜಿತ್. ಇದತ್ 18 ಟೀಂಕಾರ ಕೂಡಿಂಜಿತ್. ಲೋಪಾಮುದ್ರೆ ಕೊಡವ ಸಂಘ ಮಡಿವಾಳ, ವಿವೇಕನಗರ ಕೊಡವ ಸಂಘ, ಯಲಹಂಕ ಕೊಡವ ಸಂಘ, ದಾಸರಟ್ಟ ಕೊಡವ ಸಂಘ, ಸಂಜಯನಗರ

ಕೊಡವ ಸಂಘ, ಎಚ್.ಎಸ್.-ಆರ್ ಲೇಔಟ್ ಕೊಡವ ಸಂಘ, ಇಗ್ಗುತಪ್ಪ ಕೊಡವ ಸಂಘ ಹನುಮಂತನಗರ, ನಲ್ಲಕ್ಕಿ ಕೊಡವ ಸಂಘ ರಾಮೂರ್ತಿ-ನಗರ, ಪೂಮ್ನಾಲೆ ಕೊಡವ ಸಂಘ ಮಾರುತಿ ಸೇವಾನಗರ, ಕೊಡವ ಸ್ಪೋರ್ಟ್ ಕೂಟ ತಿಪ್ಪಸಂದ್ರ, ಜಯನಗರ ಕೊಡವ ಸಂಘ, ಕೆಂಗೇರಿ ಕೊಡವ ಕೂಟ, ಇಗ್ಗುತಪ್ಪ ಕೊಡವ ಸಂಘ ಕ್ಲೇಮ್ನಾಪ್ಪಿ ವೃದ್ಧಿ ಸಂಘ ವಿದ್ಯಾರಣ್ಯಪುರ, ಕೋರಮಂಗಲ ಕೊಡವ ಸಂಘ, ಕೆ.ಆರ್. ಪುರ ಕಾವೇರಿ ಕೊಡವ ಸಂಘ, ಇಂದಿರಾನಗರ ಕೊಡವ ಕೂಟ, ಶ್ರೀ. ವಿಜಯ ಗಣಪತಿ ಕೊಡವ ಸಂಘ ಸುಲಾನ ಪಾಳ್ಯ ಪಿಂಞ ಬಾಣಸವಾಡಿ ಏರಿಯ ಕೊಡವ ಅಸೋಸಿಯೇಷನ್. ಹಾಕಿ ಕಳಿಲ್ ಗೆಡ್ಡು ಪಿಂಞ ಸೋತ ಟೀಂಕ್ ಮುಖ್ಯ ಬೆಂದಂವಾಯಿ ಪಿಂಞ ಕೊಡವ ಸಮಾಜತ್ ಆಧ್ಯಕ್ಷ ಬಹುವಾನತನ್ ಕೊಡತೆತ್

**ಹಾಡಿ ಶ್ರೀ ಇಗ್ಗುತಪ್ಪ ದೇವಸ್ಥಾನ ಹೌಟಿ ಹಣಿ**



ಕಕ್ಕಬ್ಬೆ ಪಾಡಿ ಇಗ್ಗುತಪ್ಪ ದೇವಸ್ಥಾನತ್, ಗರ್ಭ ಗುಡಿರ ಸುತ್ ಇಂಜ ಪಳೆಯ ಗೋಡೆ, ಪೌಳಿರ ಕೊಳೇಲ್ ಬಾರಿ ಪಾಳಾನನ ಚಾಯಿ ಕೂಟವ ಪಣಿ ಸುರುವಾಯಿತ್. ಭಕ್ತ ಜನಸಂಘ ಈ ಕಾರ್ಯಕ್ರಮಂಜತ್.

**ಪಾಡಿಲ್ ಕುಂಬ್ಲಾರ್ ಕಲಾಡ್ಡ: ಮಾ. 26ಂಗ್ :** ಕಕ್ಕಬ್ಬೆ ಪಾಡಿ ಇಗ್ಗುತಪ್ಪ ದೇವಸ್ಥಾನತ್, ಇದೇ ಮಾರ್ಚ್ 26ಂಗ್ ಕಾಲತ್ ಕುಂಬ್ಲಾರ್ ಕಲಾಡ್ಡ ನಮ್ಮ ನಡವದುಂಡ್.

**ನಲಜಿ ಶ್ರೀ ಇಗ್ಗುತಪ್ಪ ದೇವಸ್ಥಾನ ಪಣಿ :** ನಲಜಿ ಮಲ್ಲ ಕುಂದ್‌ರಡಿಲ್ ಉಳ್ಳ ಶ್ರೀ ಇಗ್ಗುತಪ್ಪ ದೇವಸ್ಥಾನತ್ ಮರ ಮುಟ್ಟ ಪಳೆಯದಾಯಿತ್‌ಎಂಡ್ ಇದಿಕ್ ಸುಮಾರ್ 60 ಲಕ್ಶ ಉ. ಖರ್ಚಿಲ್ ಚಾಯಿ ಕೂಟವ ಪಣಿ ಸುರುವಾಯಿತ್. ದೇವಸ್ಥಾನತ್ ಮರತ್ ಬಾರಿ ಕೊಳೇಲ್‌ನಲ್ಲಾ ಬಿರಿಂಜಿತ್‌ಟ್ಟಿತ್. ಸರ್ಕಾರ ಈ ರಿಪೇರಿ ಪಣಿಕ್ 8 ಲಕ್ಶ ಉ. ಮಂಜೂರ್ ಮಾಡಿತ್. ಮಾರ್ಚ್ 19ಂದ್ ದೇವಸ್ಥಾನತ್ ಬ್ರಹ್ಮ ಕಲಶೋತ್ಸವ ನಡವದುಂಡ್. ಸುಮಾರ್ ಐಂಬದ್ ಕಾಲ ಬಯ್ಯ ಈ ದೇವಸ್ಥಾನತ್ ಚಾಯಿ ಕೂಟೆಂದೂ, ಅಲ್ಲಿಂಜಿ ಈಯಾಂಡ್ ಪತ್ತ ಚಾಯಿ ಮಾಡಿಯಂಡ್ ಉಂಡ್‌ಎಂಡ್ ಗೊತ್ತಾಯಿತ್.

**ಕೊಡಗಲ್ ನಕ್ಷಲಂಗಡ ಓಟೆಂಗಳ್ !**

ಇದಿಕ್ ಕೊಡಗಲ್‌ಕಾಡಲ್ ನಕ್ಷಲಂಗಡ ಓಟೆಂಗಳ್ ಸುರುವಾನದ್ ಸುಡಿಯಾಯಿ-ಂಡುಂಡ್ ಕೇರಳ ತೆರಿ ಧ್ವಾಗತ್ ವರುಂಡ್‌ಲೋಟ್. ಕೆತ್ತಲೆಕಾಡ್ ಪಿಂಞ ಉಡುಂಬೆಕಾಲೆ ನಕ್ಷಲಂಗ ಓಡಿಕ್ಳಿಚುಡುಳ್ಳದ್ ವರದಿ ಆಯಿತ್. ಕುಂದ್‌ಕಾಡರ್ ಬರಿಲುಳ್ಳ ಕೊಡಗಲ್ ನಕ್ಷಲಂಗ ಪ್ರತ್ಯಕ್ಷ ಆನದ್ ಜಿಲ್ಲೆಲ್ ಸಂಶಯಿಕ್ ಎಡೆ ಮಾಡ್‌ಡುಂಡ್. ಶಾಂತಿ, ನೆಮ್ಮದಿರ ನಾಡಾಯಿತಿಂಜ ಕೊಡಗಲ್ ಕಾಡ್‌ರೊಳ್ ನ್ಸಲ್ ನಿಗ್ಗರ ಪಡೆ ಕಾರ್ಬಾ-ರಕ್ಳಿಂಜತ್.

**ಗೋಣಿಕೊಪ್ಪತ್ 'ಕೊಡಗಿನ ಗೌರಮ್ಮ' ಶತಮಾನೋತ್ಸವ**  
ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ಪಿಂಞ ಕರ್ನಾಟಕ ಸಾಹಿತ್ಯ ಅಕಾಡೆಮಿರ ಕೂಟಾದನೆಲ್ ತಾ.5.3.2013ಂದ್ ಗೋಣಿಕೊಪ್ಪತ್ 'ಕೊಡಗಿನ ಗೌರಮ್ಮ' ಶತಮಾನೋತ್ಸವ ವಿಚಾರ ಸಂಕೀರ್ಣ ನಡಂದತ್. ಕೊಡವ ಅಕಾಡೆಮಿ ಅಧ್ಯಕ್ಷ ಅಡ್ಡೆಂಜಿ ಸಿ. ಕಾರ್ಯಪ್ಪ ಸಮಾರಂಭತ್ ಆಧ್ಯಕ್ಷತೆ ವಹಿಸಿತಿಂಜತ್.  
**ಕರ್ನಾಟಕ ಜಾನಪದ ಅಕಾಡೆಮಿಕ್**  
- ಐಮುಡಿಯಂಡ ರಾಣಿಮಾಚಯ್ಯ ಕರ್ನಾಟಕ ಜಾನಪದ ಅಕಾಡೆಮಿರ ಸದಸ್ಯ ಆಯಿತ್. ಕೊಡಗ್‌ಂಜಿ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿರ ಮಾಜಿ ಅಧ್ಯಕ್ಷಿಣಿ ಐಮುಡಿಯಂಡ ರಾಣಿ ಮಾಚಯ್ಯನ ನೇಮಕ ಮಾಡಿತ್.

**ಪೊಂಬೊಳಕೆ**

ಬೆಂಗಳೂರ್ ಕೊಡವ ಸಮಾಜತರ್ ತಿಂಗೋಡಿ ಪತ್ರಿಕೆ

ಮಾರ್ಚ್ 2013  
ಕಾಲ-9: ಸಂಚಿಕೆ-7  
ಎಲ್ಲಾ ಹಕ್ಕನ ಕಾಶ ಬಿಚ್ಚಿತ್.

ಪೊಂಬೊಳಕೆ ಸಂಪಾದಕ ಮಂಡಳಿ ಸಂಪಾದಕ ಪಳಂಗಂಡ ಕೆ. ಚಂಗಪ್ಪ

ಸಹ ಸಂಪಾದಕಂಗಳೆಕಡ ಎನ್. ಚಂಗಪ್ಪ ನಂಬಿಯಪಂಡ ಜಿ. ರಂಜು ನಾಣಯ್ಯ

ಬಲ್ಲಡಿಚಂಡ ಎ. ಮಾಚಯ್ಯ ವಿಶಾಂಚಿ, ಕೊಡವ ಸಮಾಜ

ಮುದ್ರಕ-ಪ್ರಕಾಶಕಂಗಳೆಚೆನಂದ ಎ. ಮಾದಪ್ಪ ಕಾರ್ಯದರ್ಶಿ, ಕೊಡವ ಸಮಾಜ

ಮುದ್ರಣ ಕಾವೇರಿ ಎಂಟರ್‌ಪ್ರೈಸಸ್ #18, 8ನೇ ಮುಖ್ಯರಸ್ತೆ, 8ನೇಕ್ರಾಸ್, ಸಂಪಂಗರಾಮನಗರ, ಬೆಂಗಳೂರ್- 560027 ಫೋನ್: 22128682, 9844081382

ಪೊಂಬೊಳಕೆ ಪತ್ರಿಕೆ ಸುದ್ದಿ, ಲೇಖನ, ಜಾಹೀರಾತ ಆಯಪಕ್ ವಿಳಾಸ: ಕಾರ್ಯದರ್ಶಿ/ಸಂಪಾದಕ ಪೊಂಬೊಳಕೆ ಪತ್ರಿಕೆ ಕೊಡವ ಸಮಾಜ ಬೆಂಗಳೂರ್ ನಂ 7, 13ನೇ ಮುಖ್ಯರಸ್ತೆ, ವಸಂತನಗರ ಬೆಂಗಳೂರ್-560052 kodavasamajblr@gmail.com

**ಪೊಂಬೊಳಕೆ ಪತ್ರಕರ ಜಾಹೀರಾತ ರೇಟ್ ಖಚರ**

- ಮಲ್ಟಿ ಕಲರ್ ಪ್ರಿಂಟ್ :
- ಬೆಂಬರಿ ಕವರ್ ಒರ್ ಪಾಳೆ : 20,000/-ಉ.
  - ಬೆಂಬರಿ ಕವರ್ ಆರೆ ಪಾಳೆ : 10,000/-ಉ.
  - ಬೆಂಬರಿ ಕವರ್ ಕಾಲ್ ಪಾಳೆ : 5,000/-ಉ.
  - ಬೆಂಬರಿ ಕವರ್ ಒಳ್ ಪಾಳೆ : 15,000/-ಉ.
  - ಬೆಂಬರಿ ಕವರ್ ಒಳ್ ಆರೆ ಪಾಳೆ : 7,500/-ಉ.
- ಕರಪು-ಬೊಳಪು White & Black ಪ್ರಿಂಟ್ ಒಳ್ ಪಾಳೆ : 6000/-ಉ.
- ಒಳ್ ಪಾಳೆ : 3000/-ಉ.
  - ಒಳ್ ಪಾಳೆ : 1500/-ಉ.
- ಕನಿಷ್ಠ 9 ಸೆ.ಮೀ x 2 ಕಾಲಂ : 500/-ಉ
- ಜಾಹೀರಾತ ಪಣತನ ಸಮಾಜಕ್ ಎಕ್ಸ್ಟೆಂಡೆಂಡು.

ಸಂಪಾದಕೀಯ...

**ಕೊಡಗ್ ದೇವಸ್ಥಾನ ನಾಡ್**

ಮೀನ್ಯಾರ್ ಪರಂದಕ ಕೊಡಗರ ದೇವಸ್ಥಾನತ್ ನಮ್ಮೆ ಸುರುವಾಪ. ಕೊಡಗರ ಪ್ರತಿಯೋರ್ ಊರ್ ನಾಡಲ್ ಉಳ್ಳ ದೇವಸ್ಥಾನ ಆದಿ ಕಾಲತಂಜ ಊರ್-ನಾಡ್‌ಕಾರಳ ಕಾಪಾಡಿಯಂಡ್ ಬಂದಿತೇಂದ್ ನಂಬಿಕೆ ಜನಕುಂಡ್. ಮನೆದೇವ, ಊರ್ ದೇವ ಪಿಂಞ ನಾಡ್ ದೇವಡ ಕೃಪೆಲ್ ಕೊಡಗ್ ನಂದಾಯಿತ್ ಪೊಲಂದಿತ್; ಒಗ್ಗಿಟ್ಟೆ-ಒತ್ತೋಮ್-ನಲ್ಲಾಮೆಲ್ ಜನ ಬಾಳಿ ಬದಕಿಯೆಂಡುಂಡ್. ಇದ್ ನಂಗಡ ಧಾರ್ಮಿಕ ನಂಬಿಕೆ. ನೇರಾಯಿತೂ ನಂಗಡ ನಂಬಿಕೆಕ್ ಅರ್ಥ ಉಂಡ್.

ಕೊಡಗರ ಬಲ್ಲ ದೇವಸ್ಥಾನ ಇಂದಿಕ್ಕಿ ಬಲ್ಲ ಭಕ್ತಕೋಟಿರ ನೆಲೆ ಆಯೆಂಡುಂಡ್ ಮಾತಾಯಿ ಕಾವೇರಮ್ಮ, ಮಾಗುರು ಇಗ್ಗಿ ತಪ್ಪಂಡ ನೆಲೆ ಇಂದೇತ ಪರಿಸ್ಥಿತಿ ಕೊತ್ತಿತ್ ಅಭಿವೃದ್ಧಿಯಾಯಿತ್. ಇಲ್ಲಿಕ್ ಊರ್, ನಾಡ್ ಅಲ್ಲತೆ ರಾಜ್ಯ-ದೇಶತ್ ಜನಳೂ ಭಕ್ತಂಗಂಗಳಾಯಿತ್ ಬಪ್ಪ. ನಗರತ್ ಉಳ್ಳ ದೇವಸ್ಥಾನಕೂ ಇಂದ್ ವಿಶೇಷ - ಭಕ್ತಿ-ಪೂಜೆರ ಆರಾಧನೆ ನಡಂದೆಂಡುಂಡ್. ಊರ್‌ಲುಳ್ಳ ಎಲ್ಲಾ ದೇವಸ್ಥಾನತಲೂ ಅಭಿವೃದ್ಧಿರ ಮಂತ್ರ ಕಂಡಂಡ್, ಭಕ್ತಿ ನೆಲೆ ಆಯಿತ್ ಬೊಳಂದೆಂಡುಂಡ್.

ಸರ್ಕಾರ ಊರ್ ದೇವಸ್ಥಾನಕ್ ಪಣ ಸಹಾಯ ಮಾಡ್‌ವಾನ ಪೊಂದ್‌ಚಿಟ್ಟಂಡ್ ಬಾತ್, ದಾನಿಯ, ಭಕ್ತಂಗಳೂ, ಊರರ ಜನಳೂ, ಪೊರ್ಮೆ ನೆಲೆ ನಿಂದವೂ ಆಯಾ ಊರರ ದೇವಸ್ಥಾನತರ ಬೊಳಚೆಕ್ ಕೈತೆಕ್ಕಿ ನಿಂದಿತ್. ದೇವಸ್ಥಾನ ಚಾಯಿ ಕೂಟ್‌ವಕ್, ಗರ್ಭ ಗುಡಿ, ಪೌಳಿ, ಪಟ್ಟಿ ಚಾಯಿ ಕೂಟ್‌ವಕ್, ಪಟ್ಟಿಂಗ್ ನೆಲೆ, ಪೂಜೆ ಪುರಸ್ಕಾರಕ್ ಆದ್ವತೆ ಕೊಡಪ ಕಾರ್ಯಾರಕ್ ಲಕ್ಷಾಂತರ ಉರ್‌ಪಿಯ ಖರ್ಚಾಪ. ಎಲ್ಲಾ ಊರರ ದೇವಸ್ಥಾನತಲೂ ಇನ್ನತ ಸುಮಾರ್ ಅಭಿವೃದ್ಧಿ ಕಾರ್ಯ ಕಂಡಂಡುಳ್ಳದ್ ನಲ್ಲದ್. ದೇವಸ್ಥಾನಕ್ ಕೊಡನೆ ದೇವಕಾಡ್, ಬನ ಇನ್ನತಾನೋ ಚಾಯಿ ಕೂಟ್‌ವದ್, ಬಲೆಚಿ ಕೂಟಾನ ಜಾಗತ್ ಬುಡ್‌ತಿಯವದ್, ದೇವಸ್ಥಾನಕ್ ಸಂಬಂಧ ಪಟ್ಟ ಬೋರೆ ಬೋರೆ ಮೂರ್ತಿಯಳ ನೆಲೆ ನಿಪ್ಪಾಚಿವದ್. ಕೊಂಡಾಡ್‌ವದ್, ಆರಾಟ ಕೈಪದ್ ಊರ್ ಜನಡ ಜವಾಬ್ದಾರಿ ಆಯಿತ್ ನಡಂದಿತ್. ಜನ ಕೈಲಾಪನ್ನೆಕ್ ಸಾಯ ಮಾಡ್‌ವದ್ ಅವಶ್ಯ.

ಕೊಡಗರ ಪಕ್ಕತ ದ. ಕನ್ನಡ, ಉಡುಪಿ ಜಿಲ್ಲೆಲ್ ಉಳ್ಳಚ್ಚಕ್ ದೇವಸ್ಥಾನ ನಂಗಡಲ್ಲಿ ಇಪ್ಪಕ್ಕಿಲ್ಲೆ. ಚೆನ್ನ ಕಾಲತ್ ಎಲ್ಲಾ ಊರರ ದೇವಸ್ಥಾನ ಚಾಯಿ ಕೊಡನದು, ಕೊಡಗ್ ದೇವಸ್ಥಾನತರ ನಾಡ್ ಆಪದುಂಡ್. ನಂಗ ನಂಬನ ದೇವ-ದೇವತೆಯಳ ನಂಗಳೇ ಕಾಪಾಡೆಂಡು. ದೇವ ನಂಗಳ ಕಾಪಾಡವ ಎಣ್ಣುವ ನಂಬಿಕೆ ನಂಗಡಲ್ಲಿ ಇರಂಡು. ಕೊಡಗ್‌ಲುಳ್ಳ ಸುಮಾರ್ ಮನೆ ದೇವಕ್ ಕೊಡಪದ್, ಕಾಲಕ್, ಮೂಂಡ್ ಕಾಲಕ್. ಇನ್ನನೆ ತೆರೆ ಕಟ್ಟದ್ ಸುಮಾರ್ ಕಡೆ ನಿಂದ್ ಪೋಯಿತ್-ದೇವಡ ಭೂಮಿ, ದೇವಕಾಡ್ ಬೋರೆಯಿಂಡ ಸೂತ್ರಾನದೂ ಉಂಡ್. ಮಿಂಞಕ್ ಇಂದೇತ ಅನುಕೂಲ, ಅಂತಸ್ತ್, ಚಾಯಿಕೂಡನ ಮಟ್ಟತ್ ಜನ ದೇವಡ ಆಸ್ತಿ-ಪಾಸ್ತಿನ ದೇವಡ ಸೇವಕ್ ಬುಟ್ಟಿ ಕೊಡಕ ನಲ್ಲದಾಕು. ನಂಗಡ ಮನಸ್ಸಲ್ ಬೆಪ್ಪ ಬಲ್ಲ ನಂಬಿಕೆರ ನಂಗಡ ದೇವಕ್ ಎಕ್ಕಲೂ ನಲ್ಲ ಸೇವೆ ಮಾಡ್‌ವದೇ ಬದಕಿತಿಪ್ಪಕ್ ಮಾಡ್‌ವ ಸಾರ್ಥಕತೆ.

ಪಳಂಗಂಡ ಕೆ. ಚಂಗಪ್ಪ ಸಂಪಾದಕ ಇವೇಲ್ : pombolak@gmail.com

**ಮಂಗಳೂರ್ ವಿ.ಬಿ.ಲ್ ಡಾಕ್ಟರೇಟ್ ಹಡಂದ ಹಾಕಿ ಕಳಕಾರ ಅಂಜಪರವಂಡ ಬಿ. ಸುಬ್ಬಯ್ಯ**



ಇವು 11 ಕಾಲ ಸುಮಾರ್ 285 ಅಂತರರಾಷ್ಟ್ರೀಯ ಕಳಲ್ ಇಂಡಿಯನ್ ಹಾಕಿ ಟೀಂಟ್ ಕಳಚತ್. ಇದತ್ 2 ಒಲಂಪಿಕ್ಸ್, ವರ್ಲ್ಡ್ ಕಪ್, 3 ಏಶಿಯನ್ ಗೇಮ್ಸ್, ಏಷಿಯಾ ಕಪ್, 3 ಚಾಂಪಿಯನ್ ಟ್ರೋಫಿ, ಕಾಮನ್ ವೆಲ್ತ್ ಗೇಮ್ಸ್, 4 ಇಂಟರ್ ಕಾಂಟಿನೆಂಟಲ್ ಕಪ್ - ಒಲಂಪಿಕ್ ಪಿಂಞ ವರ್ಲ್ಡ್ ಕಪ್ ಕ್ಯಾಲಿಫೋರ್ನಿಯಾ, ಎಸ್‌ಎಫ್‌ಐ ಗೇಮ್ಸ್ ಅಲ್ಲತೆ ಬೋರ್ ಸುಮಾರ್ ಅಂತರರಾಷ್ಟ್ರೀಯ ಟೂರ್ನಾಂಟ್‌ನಿಲೂ, ಟೆಸ್ಟ್ ಮ್ಯಾಚ್‌ನಿಲೂ ಕಳಚತ್.

ಕೊಡಗಲ್ ಕಕ್ಕಬ್ಬೆರ ಪಕ್ಕತ ಯವಕಪಾಡಿಲ್ ಅಂಜಪರ-ವಂಡ ಬಿ. ಬೋಪಯ್ಯ ಪಿಂಞ ಮುತ್ತಮ್ ದಂಪತಿಯಡ ಮೋಂವೋ ಸುಬ್ಬಯ್ಯ. ಮಡಿಕೇರಿ ಸ್ಟ್ರಿಟ್ ಮೈಕ್‌ಲ್ ಕಾನ್‌ಟಾಕ್ಟ್ ಓದಿತ್, ಸೀನಿಯರ್ ಕಾಲೇಜ್‌ಲ್ (ಇಕ್ಸ್ ಪೀ.ಎಸ್. ಕಾರ್ಯಪ್ಪ ಕಾಲೇಜ್) ಲ್ ಪಿಯುಸಿ ತೇಂಡ್ ಬೆಂಗಳೂರ್ ಸ್ಟ್ರಿಟ್ ಜೋಸೆಪ್ ಆರ್ಚ್ ಬಿಲ್ಡ್ ಸೈನ್ಸ್ ಕಾಲೇಜ್‌ಲ್ ಡಿಗ್ರಿ ಮಾಡ್‌ಂಡ್ ಶ್ರೇಣಿ ಕೋರ್ಸ್‌ಕ್ ಬಂದವ್. ತಾ. 23.2.2013ಂದ್ ವಂಗಳೂರ್ ವಿಶ್ವವಿದ್ಯಾಲಯ ಇಂಟರ್‌ನಾಶನಲ್ ಹಾಕಿಲ್ ಮಾಡ್‌ನ ಸಾಧನೆ-ಕಾಯಿತ್ ಗೌರವ ಡಾಕ್ಟರೇಟ್ ಕೊಡ್ ಗೌರವಿಚಿಟ್ಟತ್.

ಸುಬ್ಬಯ್ಯ 1998ಲ್ ಬಾಂಕಾ-ಕಲ್ ನಡಂದ ಏಷಿಯನ್ ಗೇಮ್ಸ್ ಇಂಡಿಯನ್ ಹಾಕಿ ಟೀಂಟ್ ಪ್ರತಿನಿಧಿಚಿಟ್ಟತ್; ಟೀಂ ಪೊನ್ನರ ಪದಕ್ ಪಡಂದತ್. 2003-04ಲ್ ನ್ಯಾಶನಲ್ ಕೋಚ್ (ಆರ್ಕಾಡ್) ಆಯಿತ್ ಕಾರ್ಬಾರ್ ಮಾಡ್‌ಚಿ; ಈ ಸಮಯತ್ ಜರ್ಮನಿ, ಆಸ್ಟ್ರೇಲಿಯಾ, ಮಲೇಷಿಯಾ ಪಿಂಞ ಹೈದರಾಬಾದ್ ಆಪೋ ಏಷಿಯನ್ ಗೇಮ್ಸ್ ಹಾಕಿ ಟೀಂ ಗೆದ್ತತ್. 2006-08ಲ್ ನ್ಯಾಶನಲ್ ಕೋಚ್ (ಪೊಮ್ಮ-ಕುಕ್) ಆಯಿತ್ ಸೇವೆ ವೆಂಚಿತ್; ದೋಲಿ ಹಾ ಏಷಿಯನ್ ಗೇಮ್ಸ್ ಲ್ ಪೊಮ್ಮಕ್ಟಡ ಟೀಂಟ್ ಕಚ್ಚೆರ ಪದಕ್ ಕೆಟ್ಟಚಿ.

ಕಯಿಂಜ 30 ಕಾಲತಂಜ ಹಾಕಿ ಕಳಕಾರನಾಯಿತ್ ಕೋಚ್ ಆಯಿತ್, ಮೇನೇಜರ್ ಆಯಿತ್, ಆಯ್ದಾರ ಆಯಿತ್ ಆರ್ಕಾಡ್ ಪಿಂಞ ಪೊಮ್ಮಕ್ಟಡ ಟೀಂಟ್ ಕಾರ್ಬಾರ್ ಬೆಲ್ಟಿ ಸಾಧನೆ. ಇಕ್ಕಾಯಿತ್ ನಡಂದ ಹಾಕಿ ಇಂಡಿಯಾ ಲೀಗ್‌ಲ್-ನಲ್ಲ ಕಮೆಂಟರಿ ಕಾರನಾ-ಯಿತೂ ಬುದ್ಧಿವಂತಿಕೆ ಕಾಟತ್. ಗೋಲ್ ಕೇಪರ್ ಕೇಳರ ಅಂಜಪರವಂಡ ಸುಬ್ಬಯ್ಯ ಇಕ್ಕ್ ಹಾಕಿ ಕರ್ನಾಟಕತರ ಕಾರ್ಯದರ್ಶಿ. ಇಯಂಗಳೆ ಅದಚ್ಚಕೋ ಗೌರವ, ಸನ್ಮಾನ ಕೆಟ್ಟತ್. ಅದತ್ 1997ಲ್ ಇಯಂಗಳೆ ಅರ್ಜುನ ಪ್ರಶಸ್ತಿ ಪಿಂಞ 2003ಲ್ ಏಕಲವ್ಯ ಪ್ರಶಸ್ತಿಯೂ ಕೂಡಿತ್.

ಕಯಿಂಜ 30 ಕಾಲತಂಜ ಹಾಕಿ ಕಳಕಾರನಾಯಿತ್ ಕೋಚ್ ಆಯಿತ್, ಮೇನೇಜರ್ ಆಯಿತ್, ಆಯ್ದಾರ ಆಯಿತ್ ಆರ್ಕಾಡ್ ಪಿಂಞ ಪೊಮ್ಮಕ್ಟಡ ಟೀಂಟ್ ಕಾರ್ಬಾರ್ ಬೆಲ್ಟಿ ಸಾಧನೆ. ಇಕ್ಕಾಯಿತ್ ನಡಂದ ಹಾಕಿ ಇಂಡಿಯಾ ಲೀಗ್‌ಲ್-ನಲ್ಲ ಕಮೆಂಟರಿ ಕಾರನಾ-ಯಿತೂ ಬುದ್ಧಿವಂತಿಕೆ ಕಾಟತ್. ಗೋಲ್ ಕೇಪರ್ ಕೇಳರ ಅಂಜಪರವಂಡ ಸುಬ್ಬಯ್ಯ ಇಕ್ಕ್ ಹಾಕಿ ಕರ್ನಾಟಕತರ ಕಾರ್ಯದರ್ಶಿ. ಇಯಂಗಳೆ ಅದಚ್ಚಕೋ ಗೌರವ, ಸನ್ಮಾನ ಕೆಟ್ಟತ್. ಅದತ್ 1997ಲ್ ಇಯಂಗಳೆ ಅರ್ಜುನ ಪ್ರಶಸ್ತಿ ಪಿಂಞ 2003ಲ್ ಏಕಲವ್ಯ ಪ್ರಶಸ್ತಿಯೂ ಕೂಡಿತ್.

**ಕಾಫಿಕ್ ಸ್ಟ್ರಿಕ್ಟರ್ ನಿರೇ ಗತಿ..**



ಕೊಡಗಲ್ ಕಯಿಂಜ ಫೆಲ್ಟವರಿ ಆಧ್ವ ವಾರತ್ ಸುಮಾರ್ ಕಡೆ ಚೆನ್ನ ಮಳೆ ಬುದ್ಧತ್. ಅಲ್ಲಿಂಜ ಕ್ರಮೇಣ ಮೋಡ ಕಂಡಂಡ್ ಬಂದದ್ ಇದಿಕ್ಕ್ ಮಳೆ ಇಲ್ಲತ ಪರಿಸ್ಥಿತಿಕ್ ಎತ್ತಿ ಪೋಯಿತ್. ಕೃಷಿಕಂಗ ತಡ ಮಾಡತೆ ಸ್ಟ್ರಿಕ್ಟರ್‌ಲ್ ತೋಟಕ್ ನಿಲ್ ಪಾರ್‌ಚಿಟ್ಟೆಂಡುಂಡ್.

ದೇವಸ್ಥಾನತರ ಜವಿತ್ರತನ ಕಾಪಾಡಂಡು.

ಪ್ರತಿಯೋರ್ ದೇವಸ್ಥಾನಕ ತಾಂಡದೇ ಆನ ಧಾರ್ಮಿಕ ಚರಿತ್ರ ಪಿಂಞ ಇತಿಹಾಸವೂ ಉಂಡ್. ಆಯಾ ಕ್ಷೇತ್ರ ಮಹಿಮೆ, ಪದ್ಧತಿ, ಕ್ರಮ, ಸಂಪ್ರದಾಯ, ನೀತಿ ನೇಮ ಬೋರೆ ಬೋರೆ ಇಪ್ಪ, ಇದನಲ್ಲಾ ಅರಾಂಜಿತೂ ಇಂದೇತರ ನಾಳ್ಲ್ ದೇವಸ್ಥಾನ ಪ್ರವಾಸಿ ಕ್ಷೇತ್ರ ಆಯಂಡುಂಡ್. ಭಯ-ಭಕ್ತಿಕ್-ಜಿ ದುಡ್ಡು ಮಾಡ್ವ ನೆಲೆ ಆನದೂ ಉಂಡ್. ಆಚೇಂಗಿಯೂ ನಾಡರ ನಲ್ಲ ನಲ್ಲ ದೇವಸ್ಥಾನತ ಸುಮಾರ್ ನಿಯಮ, ಶಿಸ್ತು ಉಂಡಂಗಿಯೂ ಅದನ ದಾರೂ ಕೂಟಾಕಿ-ಯಂಡಿಲ್ಲೆ. ನಗಡಲ್ಲಿಯತ ದೇವಸ್ಥಾನತ ಕೆಲವು ವಿಷಯತ ನೀತಿ ನೇಮ ಪೋರಾಂಡೂ ತೋಂದಂವ. ಅದಂಗಳ ದೇವಸ್ಥಾನಕಾರ ಮಿಂಞಾಕ್ ಓರೂರೂ ಮೊಟ್ಟ ಪವಿತ್ರತನ ಕಾಪಾಡ್ವ ವಿಷಯತರಕ್ರಮಿ ಮನಸ್ಸು ಮಾಡಂಡಿಯಾಪ.

ಎಲ್ಲಾ ದೇವಸ್ಥಾನತ ಇಂದ್ ಮನಾರತರ ಅವಶ್ಯಕತೆ ಏರಕಂಡು ಬಂದಂಡುಂಡ್. ಅದತಾಲೂ ಪ್ರವಾಸಿ - ಭಕ್ತಂಗೆ ಬಪ್ಪನತ ದೇವಸ್ಥಾನತ ಗಲೀಡ್, ಗಲಾಟಿ ಏರ ಕಾಂಬಕಾಯಿತ್. ದೇವಸ್ಥಾನತ ಭಂಡಾರ/ಹುಂಡಿ, ಪೂಜೆ ಪುರಸ್ಕಾರತರ ಪಟ್ಟಿ ಬುಟ್ಟಕ ಬೋರೆ ಏದೇ ಬೋರ್ಡೂ ಕಾಂಬಕ್ ಕಾಟ್ವದಿಲ್ಲೆ. ಭಕ್ತ ಜನಡ ಸಂಖ್ಯೆ ಪೋಂದಿಂಯರಿದುಳ್ಳ ದೇವಸ್ಥಾನತ ಕೆಲವು ನೀತಿ-ನಿಯಂಪಂತನ ಬ್ಲಕ್ಂಗೆ ಪಾಲಿಚಿಡ್ವನಕ್ ಮಾಡ್ವಕ್ ದೇವಸ್ಥಾನತ ತಕ್ಕ ಮುಖ್ಯಸ್ಥ ನೋಟಂಡಿಯ ಅವಪ್ಪ ವಿಷಯ-ವಿವರ ಇನ್ನನೇ ಉಂಡ್ :-

ದೇವಸ್ಥಾನತ ಶುದ್ಧ ಮುದ್ದಿಕಲ್, ನಲ್ಲ ಮನಸ್ಸಲ್, ನಲ್ಲ ಭಕ್ತಿಲ್ ಬಪ್ಪನಕ್ ಹಿಡ್ಡುಕ್ ಮಾಡಂಡು. ದೇವಸ್ಥಾನತರ ಒಳ್ಳಕ್ ನುಗ್ಗವಕ್ ಎಲ್ಲಾರೂ ಸಾಲ್ ಪೋಪದ ನಲ್ಲದ್. ಅಲ್ಲಿ ಕಷ್ಟ-ಸುಖಿ ಪರವ, ಇನ್ನತಾನ ಬಾಕಿ ಮಾಡಂಡು. ಗುಡಿಯ ಆ ದೇವ ಉಂಡ್ ಎಣ್ಣುವ ಭಕ್ತಂಗೆ ಮನಸ್ಸು ಪ್ರಾಥಮಿ, ದೇವಡ ಗೇನತ, ದೇವಡ ಪದತ ಜಪ ಮಾಡಿಯಂಡಿಂಡು. -

ದೇವಸ್ಥಾನತ ಎಕ್ಕಲೂ ಸಿಡಿ, ಡಿವಿಡಿರ ಭಕ್ತಿ ಪಾಟ್ / ಸಂಗೀತ ಇಡ್ವದ್ ಬೋಂಡ. ಮಕ್ಕ ಮರಿಯಕ್ ಪೋರಂಜಿ ಕೊಂಡ್ ಬಂದ ತಿಂಡಿ, ಬೋರೆ ತೀನಿ ಕೊಡಪಕ ಚೆನ್ನ ದೂರತ ಕಿನಾರ ಜಾಗತ ಪೋಯಿತ್ ಕೊಡಪನಕ್ ಮಾಡಂಡು. ತೆಂಗೆ ನೀರ್, ಎಣ್ಣೆ, ಬೆಲ್ಲ, ಸಕ್ಕರೆ ಮೊದರ ತಿಂಡಿನ ಗರ್ಭಗುಡಿ ಪ್ರದೇಶತ ಚೆಲ್-ವಕ್ಕಾಗ. ಬಾಳೆ ಪಣ್ಣ ತೋಲ್, ತೆಂಗೆ ಚರಟಿ, ಪ್ರಾಸಿಕ್ ಬ್ಯಾಗ್, ಕಸ ಇನ್ನತಾನ ಕಸ ಕುಂಡ್ಲೆ ಇಡುವನಕ್ ಮಾಡಂಡು. ಗರ್ಭ ಗುಡಿರ ಗೋಡೆ, ಬಲಿಕಲ್, ನವಗಡ.. ಇನ್ನತಾನ ಭಕ್ತಂಗೆ ಮುಟ್ಟವಕ್ ಬುಡವಕ್ಕಾಗ. ಪಟ್ಟಂಡ ಕಯಿಂಜಿ ಪ್ರಸಾದ ಕೇಟಂಡದು ಕೈಕ್ ಅಂಚನ

ನೈವೇದ್ಯ, ಚಾಂದ್, ಕುಂಕುಮ ಇನ್ನತಾನ ಗೋಡೆಕ್ ತೇಟತನಕ್ ಎಚ್ಚರತ ನೋಟವಂಡು. ಕೈ ಕಾಲ್ ಕ'ತ'ವ'ಕ್ ಏರ್ಪಾಡ್ ಮಾಡಿಯೋಂಡು. ದೇವಸ್ಥಾನ ಆವರಣತರ ಒಳ್ಳಲ್ ಪೋಂಜಿ ಬುದ್ಧ, ಪಾಳಾನ ಚೆರಿಯ ಪರಿಯ ಮೂರ್ತಿಯಂಳ, ವಿಗ್ರಹತನ ಬೆಕ್ಕತನಕ್ ಮಾಡಿಯೋಂಡು. ದೇವಸ್ಥಾನತರ ಒಳ್ಳಲ್ ಕೂಡ ದೇವತೆಯಕ್ ಆಯಾ ಗುಡಿಯ ಬೋಳಚಿ ಕತ್ಚಿಟ್ಟಿಲ್ಲೆ, ಎಣ್ಣೆ ಚೆಲ್ಲತನಕ್ ನೋಟವಂಡು. ದೇವಸ್ಥಾನತ ಅಕ್ಕಿ-ಅಕ್ಕಿ, ಪೋರಿ..ಎಣ್ಣೆಯಂಡ್ ಚೆಲ್ನಾಂಗ್ ಇಪ್ಪು ಬಪ್ಪ ಸಾಧ್ಯತೆಇಪ್ಪ, ಅದನೋ ನೋಟವಂಡು.

ದೇವಸ್ಥಾನತರ ಆವರಣತ ಉಳ್ಳ ಮರಗಿಡತರ ಬುಡತ ಒಡ್ವಂದ, ಪಾಳಾನ ದೇವತೆಯಡ ಪೋಟೋ ಗುಡ್ಡೆ ಇಡತನಕ್ ಎಣ್ಣಿಯಂಡು. (ಪಾಳಾನ ಪೋಟೋತನ ಬೋಳತ ಬಟ್ಟಲ್ ಗಟ್ಟಿ ಸುತಿತ್-ಕಟ್ಟಿಕ್ ಬಲ್ಲ ಪೋಳಲ್ ಬುಡವದ್ ಎಂದೂ ನಲ್ಲದ್) ದೇವಸ್ಥಾನತ ಶಾಂತ ವಾತಾವರಣತ ಮನಾರತ ಬೆಪ್ಪದ ಭಕ್ತಂಗೆ ನಲ್ಲ ನಮ್ಮಡಿ ಕಾಟ್ವನಕ್.

-ಕಾವೇರಿ

**ಕೊಡಗರ ಕೇಂದ್ರ-ಸ್ಕೂಲ್ ಪ್ರವೇಶಕ್ ಅವಕಾಶ**

**ಏಕಲವ್ಯ ಸ್ಕೂಲ್ :**

ಕೊಡಗಲ್ ಬಾಳೆಗೋಡಲ್ ಉಳ್ಳ ಏಕಲವ್ಯ ರೆಸಿಡೆಂಶಿಯಲ್ ಸ್ಕೂಲ್ 6ನೇ ಕ್ಲಾಸ್ಕ್ ಕೊಡವಕ್ ಅರ್ಜಿ ಇಡವಕ್ ಅಪೇರಿ ತಾರೀಖ್ 24.03.2013. ಇಲ್ಲಿ ಆಯ್ಕೆಯಾನಯಂಗೆ 6 ಲಿಂಜಿ 12ನೇ ಕ್ಲಾಸ್ಕ್ ಕಟ್ಟಣೆ ಬಟ್ಟಣೆ ವಿದ್ಯಾರ್ಥಿ ಕೊಡವ್. ಅರ್ಜಿ ಫಾರಂ : ಸಮಾಜ ಕಲ್ಯಾಣ ಇಲಾಖೆ ಆಫೀಸ್ ಪಿಂಞ ಅದರ್ ಸ್ಕೂಲ್ ಕಾಟ್ವ.

**ಕೇಂದ್ರಿಯ ವಿದ್ಯಾಲಯ :**

ಮಡಿಕೇರಿ ಉಳ್ಳ ಕೇಂದ್ರಿಯ ವಿದ್ಯಾಲಯ 1ನೇ ಕ್ಲಾಸ್ಕ್ ಕೊಡವಕ್ ಅರ್ಜಿ ಇಡವಕ್ ಅಪೇರಿ ತಾರೀಖ್ 10.3.2013 ಏವರಕ್ ಪೋನ್ 08272-224200

**ಮೋರಾಜಿ ಸ್ಕೂಲ್ :**

ನಾಪೋಲ್ ಕಲ್ ಉಳ್ಳ ಮೋರಾಜಿ ದೇಸಾಯಿ ರೆಸಿಡೆಂಶಿಯಲ್ ಸ್ಕೂಲ್ 6ನೇ ಕ್ಲಾಸ್ಕ್ ಕೊಡವಕ್ ಅರ್ಜಿ ಇಟ್ಟಿಯಂಗೆ 24.03.2013ಂದ್ ಪರಿಕ್ಷೆ ನಡಪುದುಂಡ್. ಇದತ್ 6 ಲಿಂಜಿ 10ನೇ ಕ್ಲಾಸ್ಕ್ ಕಟ್ಟಣೆ ಗಟ್ಟಿಗ, ಗರಿಬ ಮಕ್ಕಕ್ ಸರ್ಕರ ವಿದ್ಯಾರ್ಥಿ ಕೊಡವ್.

ಪೊನ್ನಂಪೇಟೆ ಸರ್ಕಾಲಿ ಮಾದರಿ ಪ್ರಾಥಮಿಕ ಸ್ಕೂಲ್ 100 ಏಪ್ರಿಲ್ 7 ಪಿಂಞ 8ಂಗೆ ನೂರಾಂಡ್ ನಮ್ಮೆ(ಶಕಮಾನೋಡ್ವ)



ಪೊನ್ನಂಪೇಟೆ ಸರ್ಕಾಲಿ ಮಾದರಿ ಪ್ರಾಥಮಿಕ ಸ್ಕೂಲ್ ನೂರಾಂಡ್ ನಮ್ಮೆ ಇದೇ ಏಪ್ರಿಲ್ 7-8ಂಗೆ ನಡಪುದುಂಡ್. ಈಂಡ್ ಮಾರಿಪತ ಶತಮಾನೋತ್ಸವ ಸಮಿತಿಕಾರ ತಾ.16.2.2013ಂದ್ ಗೋಣಿಕೊಪ್ಪತ ನಡತನ ಪ್ರತಿಕ್ರಮ ಗೋಷ್ಠಿಲ್, ಶತಮಾನೋತ್ಸವ ಸಮಿತಿ ಅಧ್ಯಕ್ಷ ಮೂಕಳೆರ ಎಸ್. ಕುಶಾಲಪ್ಪ, ಕಾರ್ಯಾಧ್ಯಕ್ಷ ಕಾಟಮಾಡೆ ಜಿಮ್ಮಿ ಅಣ್ಣಯ್ಯ ಪಿಂಞ ಸಮಿತಿಕಾರ ಸ್ಕೂಲ್ ಬೋಳಚಿ ಪಿಂಞ ನೂರಾಂಡ್ ನಮರ ಯೋಜನೆನ ಈ ಕಾದಲ್ ಕಾಳಿನ ಪೋಲಿ ವಿವರಿಸಿಟ್ಟಿತ್.

ಕೊಡಗಲ್ 1934ಲ್ ಅದ್ವದಾಯಿತ್ ಸ್ಕೂಲ್ ಸ್ಥಾಪನೆ ಆಚಿಯೆಂದೂ, ಅದೇ ಕಾಲ ಪೂನ್ನಂಪೇಟೆ ಟಾನ್ ಕಟ್ ಚೀಂದೂ ಚರಿತ್ರರ ಪಾಳೆ ಉಂಡ್. 1861ಲ್ ಕೊಡಗಲ್ ಮೂಂಡ್ ಇಂಗ್ಲೀಷ್ ಮೀಡಿಂಯಂ ಸ್ಕೂಲ್ ತೊಂದಾಲ ಪೊನ್ನಂಪೇಟೆಲ್ ಒರ್ ಸ್ಕೂಲ್ ತೊಂದತ್. ಈ ಸ್ಕೂಲ್ 1.28 ಏಕ್ರಿ ಜಾಗತನ ಮನೆಯಪಂಡ ಮೊಣ್ಣಪ್ಪ ದಾನ ಆಯಿತ್ ಕೊಡತ್. ಸ್ಕೂಲ್ ಚೆಪ್ಪುಡಿರ ಮಾದಯ್ಯ ಪಿಂಞ ಆಯಿಂಡ ಮೋಂಪೂ ರಾವ್ ಬಪದೂರ್ ತಿಮ್ಮಯ್ಯ ಸುಬೇದಾರ್, ದಿವಾನ ಚೆಪ್ಪುಡಿರ ಪೊನ್ನಪ್ಪಂಡ ಗೇನತ ಕಟ್ ಚಿಟ್ಟಿದಾಯಿತುಂಡ್. 1896ಲ್ ಅಂದೇತ ಮುಖ್ಯೋಪಾಧಿ ಅಚಿಯಂಡ ಕಾಳಮಯ್ಯ; ಇವು ಮಡಿಕೇರಿಲ್ ವಿದ್ಯಾ ಇಲಾಖೆ ಉದ್ಯೋಗಿಯಡ ಪತ್ತಿನ ಸಪಕಾರ ಸಂಘ ಸ್ಥಾಪನೆ ಮಾಡ್ಚಿ; ವೀರಾಜಪೇಟೆ ಶಿಕ್ಷಕ ಕಡ ಮುದ್ರಾಣ ಲಂಯತ ನೋ ತೊಂದತ್.

1912ಲ್ ಸ್ಕೂಲ್ ಪಕ್ಕತ್, ತಾತ್ಕಾಲಿಕ ಆರೋಗ್ಯ ಕೇಂದ್ರ ಆಯಿಂತ್ಯ ಕಟ್ಟಡತನ ತೊಂದತ್. ನಲ್ಲೂ ಚಿಟ್ಟಿಮಾಡ ಒಕ್ಕಪ್ಪ ದಾನ ಕೊಡ್ವ ಸುಮಾರ್ ಓರ್ ಏಕರೆ ಜಾಗತ್, ಕಾಗ್ಗಟ್ಟ ನಾಡನ

ಅಯಿಂಡ ಅಪ್ಪ ಚಿರಿಯಪಂಡ ಕುಶಾಲಪ್ಪ ಕಟ್ಟಚಿಟ್ಟಿತ್. ಎದಿಕೆ ಬರಿ ಕಾಂಪಾಂಡ್ ಗೋಡನ ಕಾಡ್ಯಮಾಡ ಉತ್ತಯ್ಯ ಪಿಂಞ ಗೇಟನ ಬಾನಂಡ ರಮೇಶ್ ಸೋದರಂಗೆ ತಂಗಡ ಅಪ್ಪವಂ-ಗಡ ಗೇನತ ಕಟ್ಟಕೊಡ್ವಿತ್.

ಚೆನ್ನ ಕಾಲತಂಜಿ ಸ್ಕೂಲ್ ನ ಸರ್ವ ಶಿಕ್ಷಣ ಅಭಿಯಾನ, ಜಿಲ್ಲಾ ಪಂಚಾಯಿ ಗ್ರಾಮ ಪಂಚಾಯಿತಿರ ಬೋರೆ ಬೋರೆಯೋಜನೆಲ್ ಪಿಂಞ ದಾನಿಯಡ ಸಹಾಯತ ದುಂಬಾ ಅಭಿವೃದ್ಧಿ ಮಾಡಿತ್. 2013ಲ್ ಈ ಸ್ಕೂಲ್ ಪಳೆಯ ವಿದ್ಯಾರ್ಥಿಯಾಳನ ಕೋಳರ ಗೋಕುಲ ಪಿಂಞ ಪುಟ್ಟಿವಾದ ಹರೀಶ್ ರ ಒತ್ತಾಸೆಲ್ ಪಳೆಯ ವಿದ್ಯಾರ್ಥಿಯಡ ಸಂಘ ತೊಂದಿತ್. ಈ ಸಂಘತರ ಶಾಸ್ತ್ರೀಕ ಸದಸ್ಯತನಕ್ 510 ಉ. ಪಿಂಞ ಕಾಲತರ ಸದಸ್ಯತಕ್ 60 ಉ. ಗೊತ್ ಮಾಡಿತ್. ವಿವರಕ್ ವಿಳಾಸ: ಸರ್ಕಾಲಿ ಮಾದರಿ ಪ್ರಾಥಮಿಕ ಸ್ಕೂಲ್, ಪೊನ್ನಂಪೇಟೆ-571216 ಕೊಡಗ.

ಪೋನ್: 08274 249209.

ನೂರಾಂಡ್ ನಮರ (ಶತಮಾನೋತ್ಸವ) ಮಾರಿಪತ ಪಳೆಯ ವಿದ್ಯಾರ್ಥಿಯಡ, ಉಪಾಧಿಯಡ, ದಾನಿಯಡ ಸಹಾಯತ ಸುಮಾರ್ 12ಲಕ್ಷ ಉ. ಖರ್ಚಿಲ್ ಶತಮಾನೋತ್ಸವ ಗೇನತರ ತೊಂದ ಸಭಾಂಗಣ ಕಟ್ಟಿ ಚಿಟ್ಟಿದುಂಡ್. ಈ ಯೋಜನೆಕ್ ಸಹಾಯ ಮಾಡವಕ್ ಇರಾದ ಉಳ್ಳವು ಪೊನ್ನಂಪೇಟೆ ಪಟ್ಟಣ ಸಪಕಾರ ಬ್ಯಾಂಕ್, ಪೊನ್ನಂಪೇಟೆ ಶತಮಾನೋತ್ಸವ ಸಮಿತಿ ಅಕೌಂಟ್ ನಂಬರ್ 5709ಕ್ ಪಣ ಅಂಯಕಲೂಂದ್ ಸಮಿತಿಕಾರ ಕೇಟಂಡಿತ್. ಮೂಕಳೆರ ಎಸ್. ಕುಶಾಲಪ್ಪ ಅಧ್ಯಕ್ಷ, ಕಾಟಮಾಡೆ ಜಿಮ್ಮಿ ಅಣ್ಣಯ್ಯ, ಕಾರ್ಯಾಧ್ಯಕ್ಷ ಪಿಂಞ ಸಮಿತಿಕಾರ.

**ಶ್ರೀ ಕಾವೇರಿ ಸ್ಕೂಲ್ ಗ್ರಾಹುವೇಶನ್ ಡೇ**

ಬೆಂಗಳೂರ್ ಇಂದಿರಾ - ನಗರತರ ಉಳ್ಳ ಶ್ರೀ ಕಾವೇರಿ ಸ್ಕೂಲ್ 10ನೇ ಕ್ಲಾಸ್ಕ್ ಪಿಂಞ ಉಪಾಧಿಯಡ ರೂಂ ಉಳ್ಳ ಕಟ್ಟಡ ಮಕ್ಕಡ ಹಾಸ್ಪಲ್ ಆಯಿಂಜಿತ್. ಇದಂಗೊತ್ತಿತ್ ಒರ್ ರೂಮನ ಕಾಡ್ಯಮಾಡ ಮಾಡಿಯಂಡ ಗೇನತ ಪೋಣ್ ಅಕ್ರಮ್ಯ ಕಟ್ಟಚಿಟ್ಟಿತ್. ಈ ಸ್ಕೂಲ್ ರಂಗಮಂದಿರತನ 1973ಲ್ ಚಿರಿಯಪಂಡ ವೇಣುಗೋಪಾಲಂಡ ಗೇನತ

# ಚರಿತ್ರೆ ಹಾಳೆ ಕೊಡವ-ಕೊಡವತಿಯ

- ಚೇಂದ್ರವಾಡ ಗ. ಮುತ್ತಪ್ಪ, ಪೊನ್ನಂಪೇಟೆ.

## ಬಡುವಂಡ ಉತ್ತಮ ನಾಯಕನಾದ:

ಮುದ್ದುರಾಜಂಡ ಕಾಲ. ಬೆಪ್ಪು-ನಾಡ್ ಬಡುವಂಡ ಒಕ್ಕಕಾರ ದೇಶತಕ್ಕ. ಬಡುವಂಡ ಒಕ್ಕಕಾರ ಅರಮೇರಿ ಗ್ರಾಮತ್ ಇಂಜಿವು. ಅದೇ ಗ್ರಾಮತ್ ಒರ್ ಗರೇಬ ಮನಲ್ ಉತ್ತು ಎಣ್ಣಾವ ಬಾಲೇಕಾರ ಇಂಜಿವ್. ಅವಂಡ ಪದ ಉತ್ತಮ. ಬಡುವಂಡ ಒಕ್ಕದ ಆತ್ಮಕಾರನೂ. ಒಕ್ಕತ್ತ ಬಿಟ್ಟ ಚಾಕರಿಕಾರನೂ ಆಯಿಂಜಿ ಉತ್ತುರ ಮನಲ್ ಬಲ್ಯ ಗರೇಬನಾನ್.

ಒನ್ನಾಂದ್ ಅರಮನೆಕ್ ಪಣ್ಣು ಫಲ ಮೊರ್ತಂಡ್ ಪೋಪ-ಯಿಂದ ಕೊಡ ಉತ್ತಮ ಕೆಚ್ಚ ಪೊರ್ತಂಡ್ ಪೋಪೇ. ಅಲ್ಲಿ ಪಣ್ಣು-ತರಕಾರಿ ಕೊಡಯಂಗಳ್ ರಾಜ ಊಟ ಕೊಡಪಂಜತ್. ಆ ಊಟಕ್, "ತೊಂಬಾರ ಊಟ" ಂಡ್ ಉಣ್ಣುವ. ಉಂಡಿತ್, ಚಾವಡಿಲ್ ಬುದ್ದಂಡ್ ಪರೀತ್ ವಾಪಾಸ್ ಬಪ್ಪದ ಸಂಪ್ರದಾಯ.

ಉತ್ತು ಚಾವಡಿಲ್ ವಂನಲ್ಲಿ, ರಾಜಂಡ ಜೋತಿಷ್ಯ ಇವನ ಕಂಡಿತ್. ಮೂಡಲ್ ಲಕ್ಷಣ ಎಲ್ಲಾ ಗತ್ ಗಾಂಭೀರ್ಯ ನೋಟೋಂಡ್, ನಲ್ಲ ಗಟ್ಟಿನಾಪ ಕ್ಕಣ್ಣಂಡ್ ರಾಜಂಗ್ ಎಣ್ಣುವ. ರಾಜ ಉತ್ತುನ ಅರಮನೆಕ್ ಕಾಕಿತ್ ಆರಿಯಂಡತ್. ಉತ್ತು ಬೊಳಂದಂಡ್ ಬಂದನಕ್ ರಾಜ ವಿದ್ಯೆ, ಕುದಾರ್ ಸವಾರಿ, ತೋಕಲ್ ಗುರಿ. ಪಡೆರ ಕಳೆನಲ್ಲ ಪಡಚತ್. ರಾಜಂಡ ಪರಿಯ ಮೋಂವೊ ದೊಡ್ಡ ವೀರಪಂಗ್ ಇವನ ಕಂಡಿತ್ ಸಹಿಸ್ವಕ್ ಕಯ್ಯತಾಚಿ. ಉತ್ತುಕ್ 25 ಬಯತ್ ಮುದ್ದುರಾಜ ತಾಂಡ ಮೋವ ನೀಲಮಾಜಿನ ಮಂಗಲ ಕೈಚತ್.

ಮುದ್ದುರಾಜ ತಾಂಡ ಮ್ಮಮ ಉತ್ತುನ, ಮೋವ ನೀಲಮಾಜಿರ ಕೊಡೆ ಬೆಪ್ಪುನಾಡಕ್ ತಾಂಡ ಅಧೀನ ನಾಯಕನಾಯಿತ್ ಆಯಿಚತ್. ಅರಮೇರಿಲ್ ಬಲ್ಯ ಮನೆ ಕಟ್ಟಿಯಂಡ್ ಉತ್ತು ಬೆಪ್ಪುನಾಡ್ ಉತ್ತು ನಾಯಕನಾಚಿ. ಆತ್ಮಕಾರ ಕ್ಕಣ್ಣಂಡ ಈ ಸಿರಿನ ಕಂಡಿತ್ ಅರಮೇರಿಕಾ-ರರ್ ಸರಿ ಕಂಡಲ್. ಬಡುವಂಡ ಒಕ್ಕ ದೇಶ ತಕಂಗ - ಇಯಂಗ ಆಳುವಕ್ ಉತ್ತು ದಾರ್? ಎಣ್ಣುವ ಕೆಚ್ಚಲ್ ಜನ ಮಿಂಚಕ್ ಬಂದಲ್ಲಿ. ಉತ್ತು ನಾಯಕ ಆಯಿನಲ್ಲಾ ಕೊಲ್ಚಿಟ್ಟತ್. ಐಚಿಟ್ಟ ಪಿಂಚಾ ಬಾಚಿಟ್ಟರ ಒಕ್ಕಕಾರ ಇದತ್ ಕೂಡಿಂಜಿತ್! ಉತ್ತುನಾಯಕ ಐಚಿಟ್ಟ ಪಿಂಚಾ ಬಾಚಿಟ್ಟರ ಒಕ್ಕಕಾರ ಐನ್ಮನೆಕ್ ತಿತ್ ಬೆಪ್ಪುಚಿಟ್ಟ ಪಿಲ್ದರ ಐನ್ಮನೆ ಬೆಂಜಿತ್. ಅದತ್ ಐಚಿಟ್ಟರ ಒಕ್ಕದ ದಂಡ್ ಮಕ್ಕ

ಬದ್ಕಿತ್. ಉಳಿಂಜತ್ ಅವು ಮೂಲ ಪುರುಷ ಕಾರಣನಾಚಿ. ಬಾಚಿಟ್ಟರ ಒಕ್ಕತ್ ದಾರೂ ಉಳಿಂಜತ್, 5 ತಿಂಗ ಕುಳಿಯುವಕರ್ತಿ ಬದ್ಕಿತ್, ಬಯ್ಯಂಜಿ ಕ್ಕಣ್ಣ ಕುಂಚ್ ಪೆತ್ತತ್. ಆ ಕುಂಚ್ ಬಾಚಿಟ್ಟರ ಒಕ್ಕದ ಕಾರಣನಾಚಿ.

ಐಚಿಟ್ಟರ ಒಕ್ಕದ ಐನ್ಮನೆ ಬೇವಕ ಆಂಡೋಲ್ 18 ತೋಟ್ ಮಕ್ಕ ಇಂಜಿವಲ್. ಅದತ್ ದಂಡ್ ಕುಂಚ್ ಯೆಳ ಆಕ್ ಪೋಣ್ಣಾಕ್ ಪೊರ್ತು-ಕಡತ್. ಕಡಂಗಮರೂರ್ ಬಲ್ಲಚಂಡ ಮನೆಕ್ ಪೋಯಿತ್, ಚಾಕಿ ಪೊಲತುವಕ್ ಸಹಾಯ ಕೇಟತ್. ಉತ್ತುನಾಯಕ ಮನೆ ಚುಟ್ಟಾನ್ ಅರಂಜಿತ್, ಬಲ್ಲಚಂಡ ಒಕ್ಕಕಾರ ಆ ದಂಡ್ ಮಕ್ಕಕ್ ಅಪ್ಪಯ್ಯ ಪಿಂಚಾ ಪೂವಣ್ಣ ಪದ ಇಟ್ಟತ್. ಮಕ್ಕ ಬಲ್ಲದಾನದು ತಾಂಡ ಆಸ್ತಿಕ್ ಬಂದಿತ್ ನಿಂದ ಅಪ್ಪಯ್ಯ ರಾಜಂಡ ದಿವಾನನಾಚಿ.

ಬಲ್ಲಚಂಡ ಒಕ್ಕ ಐಚಿಟ್ಟರ ಒಕ್ಕದ ಕುಂಚ್ ಚಾಕಿತ್ ಒಕ್ಕತ್ ನ ಉಳಿಚಿಟ್ಟಾಂಗ್ ಐಚಿಟ್ಟರ ಒಕ್ಕ ಬಲ್ಲಚಂಡ ಒಕ್ಕಕಾರಳ ತಾಂಡ ಕುಟುಂಬಕಾರಳನ್ನೆ ಕೆಂಡತ್. ಬಲ್ಲಚಂಡ ಒಕ್ಕಕಾರಳೂ ಐಚಿಟ್ಟರ ಒಕ್ಕಕಾರಳೋ ಕುಟುಂಬ-ಕಾರಳನ್ನೆ ನೋಟುಂಡತ್. ಇದಾಯಿತ್ 160-200 ಕಾಲ ಕಯಿಂಜಲೂ ಐಚಿಟ್ಟರ ಪಿಂಚಾ ಬಲ್ಲಚಂಡ ಒಕ್ಕಕಾರ ಅಪ್ಪರಪರ ಮಂಗಲ ಕಯಿಪಾನ ಮಾಡಿಲ್ಲೆ. ಇಕ್ಕ ಉಳ್ಳ ಐಚಿಟ್ಟರ ಒಕ್ಕ ಅಪ್ಪಯ್ಯ ಪಿಂಚಾ ಪೂವಣ್ಣಂಡ ಸಂತಾನ.

ಉತ್ತು ನಾಯಕಂಗ್ ವಿರೋ-ಧಿಯ ಜಾಸ್ತಿಯಾಚಿ. ಬಡುವಂಡ ಒಕ್ಕಕಾರ ದೊಡ್ಡ ವೀರಪ್ಪ ರಾಜಂಗ್ ಉತ್ತುನಾಯಕಂಡ ಮೀದ ಪುಕಾರ್ ಮಾಡ್ಲಿ ದೊಡ್ಡ ವೀರಪ್ಪನ ಪೊಳಿಪಕ್ ಉತ್ತು ನಾಯಕ ವಲ ಬಾರಿ ವೀರವರ್ಮ ಪಟ್ಟಾಳ ಸಮೇತ ಕೊಡಗ್ ಬಪ್ಪಕ್ ಮಾಡಚಿ. ಇಲ್ಲಿ ಅವೊ ಚೋತಿತ್ ವಾಪಾಸ್ ಪೋಪಿ. ಇದನರಿಂಜ ಉತ್ತು ನಾಯಕ ಬೊತ್ತಿಯಂಡ್ ಬೈತೂರ್ಕ್ ತಾಂಡ ಜೊತೆ-ಕಾರಡ ಕೊಡ ಓಡಿಪೋಪಿ. ನೀಲವಾಜಿನ ಮಂಗಲ ಕೈಚಿಲ್ಲಿಂಜಿ ಚಾವಲ್ಲಿ ಕತ್ತಣೆ ಲಿಂಗಾಯಿತನಾಯಿಂಜಿತ್. ಈ ನಾಯಕಂಡ ಸಂತಾನ ಅರಮೇರಿಲ್ ನಾಯಕಂಡ ಒಕ್ಕಕಾರಳಾಚಿ. ಬೈತೂರ್ಲ್ ಉತ್ತು ನಾಯಕಂಗಿಂಜಿ ಮಿಂಚಾ ನೀಲವಾಜಿ ಚತ್ಪೋಪಿ. ಬಯ್ಯಂಜಿ ಉತ್ತು ನಾಯಕ ಮರಣಪಟ್ಟತ್.

## ದಿವಾನ್ ಪರದಂಡ ಪೊನ್ನಪ್ಪ ಮುಕ್ಕಾಟಿ ಪೊನ್ನಪ್ಪನಾದ:

ನಾಲ್ನಾಡ್ ನಾಲಡಿಲ್ 1718 ನೇ ಇಸವಿಲ್ ಪರದಂಡ ಪೊನ್ನಪ್ಪ ದೊಡ್ಡ ವೀರಪ್ಪಂಡ ಮುಖ್ಯ ಕಾರ್ಯಕಾರ (ಸೈನ್ಯಾ-ಧಿಪತಿ). ದೊಡ್ಡ ವೀರಪ್ಪಂಗ್ ಬೆಪ್ಪುನಾಡ್ ಉತ್ತು ನಾಯಕ, ಅಂಜಿಗೇರಿ ನಾಡ್ ಅಚ್ಚುನಾಯಕ, ಕಡಿಯತ್ ನಾಡ್ ಕೊಳ್ಳ ಕೊಂಗಿ ನಾಯಕಂಗಳುಂಡ್ ನಮ್ಮಡಿ ಇಂಜಿಲ್. ಮುದ್ದುರಾಜಂಗ್ ಈ ಮೂಂದೂಳ್ ಕಪ್ಪ ಕೊಡ-ಪಂಜತ್. ಆಚೇಂಗಿ ದೊಡ್ಡ ವೀರಪ್ಪ ರಾಜಂಗ್ ಕಪ್ಪ ಕೊಡಕೆ ನಂಗ್ ಸ್ವತಂತ್ರ ನಾಯಕಂಗ್ ಎಣ್ಣಿತ್ ಚೆಡಿ - ಪಂಜತ್.

ದೊಡ್ಡ ವೀರಪ್ಪ ತಾಂಡ ಕಾರ್ಯಕಾರ ಪರದಂಡ ಪೊನ್ನಪ್ಪನ ಕಾಕಿತ್, ಆ ಮೂಂದ್ ನಾಯಕಂಗಳ ಎನ್ನನೇಂಗಿ ಚೋಪುಬೆಡಂ-ಡೂಂದ್ ಆಚ್ಚಿ ಮಾಡುವ. ಪರದಂಡ ಪೊನ್ನಪ್ಪ ನೂರ್ ಚಾವಡಿಕಾರಳ ಕೊಟಿಯಂಡ್ ಕತ್ತಿ ತೋಕಾಯಿತ್ ಪೊರಟಿತ್, ಕೋಣಂಜಿಗೇರಿ ಬುದ್ದಂಡ ಮನೇರಲ್ಲಿಕ್ ಪೋಪ. ಅಲ್ಲಿ ಕೋಚಮಂಡ ಮನ ಇಂಜಿತ್. ಪೊನ್ನಪ್ಪ ಪಿಂಚಾ ಕೂಟಕಾರ ಅಲ್ಲಿ ಒಳಂಜಿತ್ ಪಿತ್ತಾಂಡ್ ಕಿರುಂದಾಡ್ಲ್ ಕೊಳ್ಳ ಕೊಂಗಿ ನಾಯಕಂಡ ಮನೆಕ್ ನುಗಚಿ. ಪಡಲ್ ಕೊಳ್ಳ ಕೊಂಗಿ ನಾಯ-ಕನೂ, ಅವಂಡ ದಂಡೂಳ್ ತಮಣಂಗಳೂ ಚತ್ತ್. ಪೊನ್ನಪ್ಪಂಗೂ ಚೆನ್ನ ಗಾಯ ಆಯಿತ್, ಚೆನ್ನ ದಿನ ಇಂಜಿತ್ ಗಾಯ ವಾಸಿ ಮಾಡಿಯಂಡ್ ಕೂಟಕಾರ ಅಂಜಿಗೇರಿ ನಾಡ್ ಆಚ್ಚು ನಾಯಕನ ಚೆಡಿಪಕ್ ಪೊರಟಿತ್.

ಅದ್ಚು ನಾಯಕಂಗ್ ಕಾರ್ಯಕಾರ ಪರದಂಡ ಪೊನ್ನಪ್ಪಂಡ್ ಶರಿಯರ್ ಆರಂಜಿತ್. ಕೊಳ್ಳ ಕೊಂಗಿ ನಾಯಕನ ಕೊಂದದ್ ಗೊತ್ತಾಚಿ. ಪೊನ್ನಪ್ಪ ನೇರ ಅಚ್ಚು ನಾಯಕಂಡ್ ಕೋಟಿ ನಂಜಿ ಒನ್ನಾಂದ್ ಮುತ್ಚಿ. ಅಚ್ಚು ನಾಯಕ ಅಂದ್ ಬೋಟಿಕ್ ಪೋಯಿತ್, ಕ್ಕಾಪ್ಪ ಜಾತಿಯಳ ತೂಡ್ ಬೊಳಲ್ ನೇತಿಯಂಡ್ ಅರಮನೆಕ್ ಬಾತ್. ಅಕ್ ಪೊನ್ನಪ್ಪ ಅಚ್ಚುರ ಮೀದ ಬುದ್ದಿತ್ ಪೋರಾಡಚಿ. ಪೊನ್ನಪ್ಪಂಗೂ, ಅಚ್ಚು ನಾಯಕಂಗೂ ಗಾಯ ಆಯಿತ್, ಅದೇ ಮನಲ್ ಪೊನ್ನಪ್ಪ 15 ದಿನ ಗಾಯ ವಾಸಿಮಾಡಿಯಂಡ್, ಅಚ್ಚು ಸರಿಯಾಳಾಯಿತ್ ಬೆಚ್ಚಿಂಡತ್. ಅಲ್ಲಿಂಜಿ ಅಚ್ಚು ನಾಯಕನ ದೊಡ್ಡ ವೀರಪ್ಪ

ರಾಜಂಗ್ ಮಡಿಕೇರಿ ಕೋಟಿಲ್ ಒಪ್ಪು ಚಿಟ್ಟತ್. ಅಂದ್ ಪೊನ್ನಪ್ಪಂಡ್ ಕೊಡ ಇಂಜಿ ಚಾವಡಿಕಾರಕಲ್ಚಾ ಇನಾಮು ಕಟ್ಟಿಚಿ. ಕಾರ್ಯಕಾರ ಪರದಂಡ ಪೊನ್ನಪ್ಪ ದಿವಾನ್ ಪೊನ್ನಪ್ಪನಾಚಿ.

ಪರದಂಡ ಪೊನ್ನಪ್ಪ ದಿವಾನ್ ಆನಂಗಾಯಿತ್ ಬೆಪ್ಪುನಾಡ್ ಕೊಳ್ಳಕೊಂಗಿ ನಾಯಕಂಡ 500 ಬಟ್ಟಿ ಭೂಮಿನೋ, ಕುತ್ತಿನಾಶ ಆನ ಮುಕ್ಕಾಟಿರ 100 ಬಟ್ಟಿ ಭೂಮಿನೋ 10 ಕುಟುಂಬ ಜಮ್ಮ ಪೊಲೆಯ. 100 ಪೊನ್ನರ ಪಾವಲಿ. ಕೊಡತ್. ದಿವಾನ್ ಪೊನ್ನಪ್ಪ ನಾಲಡಿ ಬುಟ್ಟತ್ ಕುಂಜಿಲಗೇರಿ ಮುಕ್ಕಾಟಿರ ಕುಳತ್ ನೆಲೆ ನಿಂದತ್. ದಿವಾನ್ ಪೊನ್ನಪ್ಪ ಪರದಂಡ ಮನೇರ ಬದಲ್, ಮುಕ್ಕಾಟಿರ ಮನಂದ್ ಪೆದ ಮಾತಿಯಂಡತ್. ಇಂದೂ ಈ ಮುಕ್ಕಾಟಿರ ಮನೇರ ಕಾಲೋದಿ ಪುತ್ರಲ್ ನಾಲ್ನಾಡ್ ಪರದಂಡ ಮನನ ಆದ್ಯ ನೆನತಿಯವ.

ದೊಡ್ಡವೀರಪ್ಪ ಅಚ್ಚು ನಾಯಕನ ಸೆರಮನೆಕ್ಟ್ಟಿತ್. ಇವಂಡ ಪರಿಯ ಮೋಂವೊ ಮಲೆಯಂ-ಳಕ್ ಪೋಯಿತ್ ಮಂತ್ರ-ತಂತ್ರ ಪಡಚಂಡ್ ಬಾತ್. ಕೊಡಗಲ್ ಇಂವನೇ ಅಜ್ಜಿ ಕುಟ್ಟರ ಮೂಲ ಪುರುಷನಾಚಿ.

ಬಾಕಿ ಬಪ್ಪ ಸಂಚಿಕೆಲ್ 'ಇತಿಹಾಸ ಪಾಳಿಲಿಂಜಿ'

## ತಲೆಹರಟೆ:

### ನಾರಾಜಿ ದಿನ ನಾನ್-ವೆಚ್ಚ ಎನ್ನಂಗ್?

ಸುವಾರ್ ಕ್ ಟ್ರಾನಲ್ ಎಲ್ಲೂರೂ ನಾರಾಜಿ ದಿನ ಎಚ್ ಮೀನ್ ಕರಿ(ನಾನ್-ವೆಚ್) ಮಾಡ್ವಡ್ ಕಾಂಬ. ಕಾಲ ಮರಂಜಿತ್ ಕ್ರಮೇಣ ಕೊಡಗಲ್ ಲೂ ನಾರಾಜಿ ನಾನ್ವೆಚ್ ಪದ್ಧತಿ ಬಲಕೂಡಿ ಪೋಯಿತ್. (ಸುವಾರ್ ಮನೇಲ್ ಎಚ್ ಮೀನ್ ತಪ್ಪತ್ ಇಪ್ಪ, ಅದ್ ಬೋಲೆ!) ಬೋಲೆ ದಿನ ಎನ್ನಂಗ್ ನಾನ್ವೆಚ್ ಮಾಡಲೇಂದ್ ಅರಂಜಿತ್ ಪೋನಕ ಗೊತ್ತಾಪ್ ನೇರಾನ ಪಿಷಯ! ಬೋಲೆ ಪ್ರತಿಯೋ ದಿನಕೂ ದೇವಡ ಪೆದತ್ ಪೂಜೆ ಪ್ರಸಾರ ಜೋರಾಯಿ ತಿಪ್ಪಲೂ. ತಿಂಗಳಚಿ, ಶಿವೇಂದ ಚಿಲಿಪಾಚಿ, ಲಕ್ಕಿಂರ ಪದನಾಚೆಂದ್ ಓರೋ ಕಾರಣತ್ / ದೇವಡ ಪೂಜೆರ ಪೆದತ್ ಕೆಲವು ಜನ ಎಚ್ ತಿಂಬಲ್. ಬೇಳಾಚಿ ರಾಪ್ಪವೇಂದ್ ಆರಾಧನೆ, ಸಾಯಿ ಬಾಬ ಭಕ್ತಗಂಗೂರೂ, ಬೊಳ್ಳಾಚಿ ಲಕ್ಷ್ಮಿ ಪೂಜೆಂದೂ, ಚನಿಯಾಚಿ ಚನಿ ಕುಳಿ, ಶನೀಶ್ವರಂದೂ ಭಕ್ತರ ಕಾರ-ಣತ್ ಎಚ್ ತಿಂಗಳತಿಯಂಡ ಸಂಖ್ಯೆ ದುಂಬಾ ಉಂಡಲೂ. ಬಲ್ಯ ನಗರತ್ ಜನ ನಾರಾಜಿ-ಕಾಯಿತ್ ಕಾತಿತ್ ಎಚ್ ಮೀನ್ ತಿಂಬ. ಆಚೇಂಗಿ ಬಾರ್, ರಸ್ತೋರಂಚಲ್ ಉಂಬ ಕುಡಿಪಯಿಂಗಳ್ ಏದೇ ದಿನ ನಿರಕ್ ಇಲ್ಲ! ನಾರಾಜಿ ಮಾಡ್ವಡ್ ಕರಿ ಮಿಂಜಿತಿಪಾನ-ಗುಂಡ್ ತಿಂಗಳಾಚಿ ಅದ್ನೇ ಬಳುವ. ಅದತ್ಲೂ ಚೆನ್ನ ಜನ ದೇವಡ ಪೆದತ್ ಅಂದ್ ತಿಂಗಳೆ ಪಿತ್ತಾಂಡ್ ತಿಂಬ ಅಭ್ಯಾಸ ಬೆಡ್ಚಂಡಿತ್. ಆಚೇಂಗಿ ನಾರಾಜಿರ ಬಿಸಿನೆಸ್ ನೋಟಿತ್ ತಿಂಗಳಾಚಿ ಎಚ್ ಮೀನ್ ವ್ಯಾಪಾರ ಅಂಗಡಿ ಸುಮಾರ್ ತೊರಪದೇ ಇಲ್ಲ! ಇದ್ ನಾನ್ವೆಚ್ ಕಡ್.

### ಪಾಲೇಕಂಡ ಇಂದಿರಾ

ವಿಜಯಕುಮಾರ್ ನಿವೃತ್ತಿ ಬೆಂಗಳೂರ್ ಅಭಿವೃದ್ಧಿ ಪ್ರಾಧಿಕಾರತ್ ಚೀಫ್ ವಿಜೆಲೆನ್ಸ್ ಅಫೀಸರ್ ಆಯಿಂಜಿ ಪಾಲೇಕಂಡ ಇಂದಿರಾ ವಿಜಯಕುಮಾರ್ (ತಾಮನ: ನೆರವಂಡ) ಕಯಿಂಜಿ ಫೆಬ್ರವರಿ ಆಖೇರಿಕ್ ನಿವೃತ್ತಿ ಆಯಿತ್ ಗೊತ್ತಾಯಿತ್. ಇವು ಪೊಲೀಸ್ ಇಲಾಖೆಲ್ ಬಲ್ಯ ಸ್ಥಾನತ್ ಸೇವೆ ಮಾಡಿತ್ ಬಿಡಿವಿಕ್ ಬಂದಿಂಜಿತ್.

**'ಪೊಂಬೊಳಕ್' ಎಳ್ಳ ಅಯಿ.**  
**'ಪೊಂಬೊಳಕ್' ತಿಂಗಳ ಪತ್ತಿಕ್ ನಿಂಗ ಕಡ್.** ಕವನ, ವಿಶೇಷ ಎಳ್ಳ ಸುದ್ದಿ. ಇನ್ನತಾನ ಅಯಕಲು.  
 ಜಾಹೀರಾತ್ ತರೂಲೂ.  
 ವಿಳಾಸ:  
 ಸಂಪಾದಕ  
**ಪೊಂಬೊಳಕ್ ಕೊಡವ ಸಮಾಜ ಬೆಂಗಳೂರ್ ನಂ.7, 1ನೇ ಮುಖ್ಯ ರಸ್ತೆ, ವಸಂತನಗರ, ಬೆಂಗಳೂರ್-560052**

**ಕೊಡಗಲ್ ರೈಷಿ ಧಾರಣೆ**  
 (2013 ಫೆಬ್ರವರಿ ಆಖೇರಿಕ್)  
 -ರೂಬಾಸ್ತಾ ಕಾಫಿ 3200/-ಉ.  
 50ಕೆ.ಜಿ.ಕ್  
 -ನಲ್ಲಮಳು 1ಕೆ.ಜಿ.ಕ್ 400/-ಉ.  
 -ಯಾಲ 1ಕೆ.ಜಿ.ಕ್ 850/-ಉ.  
 -ಇಂಜಿ 60ಕೆ.ಜಿ.ಕ್ 950/-ಉ.  
 -ನೆಲ್ 1ಕ್ವಿಂಟಾಲ್ 950/-ಉ.

**ಬೆಂಗಳೂರ್ ಬೇಂಗ್‌ನಾಡ್ ಒತ್ತೂರ್ಮೆ ಕೂಟ**

ಬೆಂಗಳೂರುಳ್ಳ ಬೇಂಗ್‌ನಾಡ್ ಕಾರಡ ಒತ್ತೂರ್ಮೆ ಕೂಟ ತಾ.26.1.2013ಂದ್, ಬೆಂಗಳೂರ್ ಕೊಡವ ಸಮಾಜತರ್ ಜ. ತಿಮ್ಮಯ್ಯ ಭವನತ್ ಸಂಘತರ್ ಅಧ್ಯಕ್ಷ ತೇಲಪಂಡ ರಘುರಾಮಯ್ಯಂಡ ಅಧ್ಯಕ್ಷತೆಲ್ ನಡಂದತ್. ವೇದಿಕೆಲ್ ಬೇಂಗ್‌ನಾಡ್ ಸಂಘತರ್ ಉಪಾಧ್ಯಕ್ಷ ಆಪಾದಂಡ ಕಾರ್ಯಪ್ಪ ಪೆರಿಯಪ್ಪ ಪಟ್ಟಮಾಡ ಕರ್ನಲ್ ನಂಜುಂಡ, ಕೊಟ್ಟಕತ್ತಿರ ಪೂವಂಯ್ಯ, ಮಂದಪಂಡ ಕುಂಜಪ್ಪ, ಕಲ್ಯಾಡಂಡ ಡಾ. ಗಣೇಶ್ ಪಿಂಞ ಪಟ್ಟಮಾಡ ದಿಕ್ಟ ಇಂಜತ್. ಇಯಂಗಳ ರಾಮು, ಕೊಟ್ಟಕತ್ತಿರ ಪ್ರಕಾಶ್ ಪಿಂಞ ನಾಪಂಡ ದೇವಿ ಕೂಡಿತ್ ವೇದಿಕೆಕ್ ಕೂಟಿಯ ಬಾತ್.

ಕು.ಕಲ್ಯಾಡಂಡ ಯಶಸ್ವಿನಿ ಪ್ರಾರ್ಥನೆ ಮಾಡ್‌ನದಂ ಕಾರ್ಯದರ್ಶಿ ಪಟ್ಟಮಾಡ ವಿಶು ಅಯ್ಯಪ್ಪ ಸ್ವಾಗತ ಬಯಂಡತ್. ಪೆರಿಯಪ್ಪ, ವಿಳಿಯಪ್ಪ ಎಣ್ಣೆತ್ ಸಭೆಲ್ ತಕ್ಕ ಪರಂದತ್. ಸಾಂಸ್ಕೃತಿಕ ಕಾರ್ಯಕ್ರಮ ಏರ್ಪಡ್ತಿಂಜತ್. ಇದತ್: ತೇಲಪಂಡ ಯಶಿ ತಮ್ಮಯ್ಯಂಡ ಡಾನ್, ದೇವಣಿರ ರೋಹನ್ ಕಾರ್ಯಪ್ಪಂಡ ಬ್ರೇಕ್‌ಡಾನ್ಸ್, ಪಟ್ಟಮಾಡ ಕವನ ಕಾರ್ಯಪ್ಪಂಡ ಹಿಂದಿ ಪಾಟ್, ಕಲ್ಮಾಡಂಡ ದೀನ್ ಮುತ್ತಣ್ಣಂಡ ಕೂವಲರ ಪಾಟ್, ಕೊಟ್ಟಕತ್ತಿರ ಅಯ್ಯಪ್ಪಂಡ ಕೊಡವ ಪಾಟ್, ಬೊಳಂದಂಡ ದೇವ ಮುತ್ತಣ್ಣಂಡ ಡಾನ್ಸ್ ನಾಪಂಡ ಗುಬ್ಬಿರ ಪಾಟ್ ಕೂಡಿತಿಂಜತ್. ಬಂಯ್ಯಂಜಿ ವಾಲಗತ್ತಾಟ್ ಪೈಪೋಟಿ ಏರ್ಪಡ್‌ನಾಲ್. ಬಂಯತ್ ಕೂತ್ತಿತ್ ಕೊಟ್ಟಕತ್ತಿರ ಚಿತ್ರ 1ನೇ, ತೇಲಪಂಡ ಜಾನ್ಸಿ 2ನೇ ಅಲ್ಲತ ಪೊನ್ನಚೆಟ್ಟಿರ ಸುಪಿಯ 1ನೇ, ತೇಲಪಂಡ ಆಶಿತಾ 2ನೇ ಪಿಂಞ ಕೊಟ್ಟ ಕತ್ತಿರ ರಮೇಶ್ 1ನೇ, ಪೊನ್ನಚೆಟ್ಟಿರ ತಿಮ್ಮಯ್ಯ 2ನೇ ಇನಾವು ಪಡ್‌ಂದತ್. ಲಕ್ಕಡಿಪಲ್ ಪೊನ್ನಚೆಟ್ಟಿರ ತಿಮ್ಮಯ್ಯ ಪಿಂಞ ನಾಪಂಡ ರಶ್ಮಿ ಇನಾಮು ಪಡ್‌ಂದತ್.

ಕಾರ್ಯಕ್ರಮತನ ಕಲ್ಯಾಡಂಡ ರತ್ನ ಪಿಂಞ ಪೊನ್ನಚೆಟ್ಟಿರ ರಮೇಶ್ ಗಣಪತಿ ನಿರೂಪಿ ಚಿಟ್ಟತ್. ಆಖೀರಿಲ್ ಸಂಘತರ್ ಖಜಾಂಚಿ ಪೊನ್ನಚೆಟ್ಟಿರ ರಮೇಶ್ ಗಣಪತಿ ವಂದನಾರ್ಪಣೆ ಮಾಡ್‌ಚಿ.

ವರದಿ: ಪೊನ್ನಚೆಟ್ಟಿರ ರಮೇಶ್ ಗಣಪತಿ.

**ಮಡಿಕೇರಿಲ್ ನಡಿಕೇರಿಯಂಡ ಜಿಣ್ಣಪ್ಪ ಸ್ಕರಣೆ**

ಕೊಡವದ ಜಾನಪದ ಗ್ರಂಥ ಪಟ್ಟೋಲೆ ಪಳಮ ಎಳ್ಳನ ನಡಿಕೇರಿಯಂಡ ಐ. ಚಿಣ್ಣಪ್ಪಂಡ 138ನೇ ಕಾಲತರ್ ಸ್ಕರಣೆ ತಾ.19.2.2013ಂದ್ ಮಡಿಕೇರಿ ಟೌನ್ ಹಾಲ್‌ಲ್ ನಡಂದತ್. ಅಲ್ಲಾರಂಡ ಚಾವಡಿರ ಸಂಚಾಲಕ ಅಲ್ಲಾರಂಡ ವಿಶಲ್ ನಂಜಪ್ಪ ಏರ್ಪಡ್‌ ಮಂಡಿತಿಂಜ ಸ್ಕರಣೆ ಕಾರ್ಯಕ್ರಮತ್ ವಿಚಾರ ಸಂಕೀರ್ಣ, ಸಾಂಸ್ಕೃತಿಕ ಪ್ರದರ್ಶನ ಇನ್ನತದಲ್ಲಾ ಇಂಜತ್. ನಡಿಕೇರಿಯಂಡ ಚಿಣ್ಣಪ್ಪ ಅಯಿಂಗ 1975 ಲ್ ಪಟ್ಟಿತ್, 1931 ಸೆಪ್ಟಂಬರ್ 12ಂದ್ ಮರಣಪಟ್ಟಿತ್. 1924ಲ್ ಇವು ಪಟ್ಟೋಲೆ ಪಳಮನ ಬೊಳಪಡ್‌ಚಿ.

ವಿಚಾರ ಸಂಕೀರ್ಣತ್ ನಡಿಕೇರಿಯಂಡ ಐ ಚಿಣ್ಣಪ್ಪ ಅಯಿಂಡ ಬದಕ್ - ಸಾಹಿತ್ಯ ಸೇವೆರ್ ಏಷಂಯತ್ ಬೊವೇರಿಯಂಡ ನಂಜಪ್ಪ ಚಿಣ್ಣಪ್ಪ ಕಳ್ಳಚಂಡ ರಶ್ಮಿ ನಂಜಪ್ಪ ಪಿಂಞ ನಡಿಕೇರಿಯಂಡ ಪೂವಯ್ಯ ತಕ್ಕ ಪರಂದತ್. ಸಾಂಸ್ಕೃತಿಕ ಪ್ರದರ್ಶನತ್ ಜಾನಪದ ಪಾಟ್, ತೆರ ಆಟ್, ತೇನ್ ಕುಂ ಬಡ ಪಾಟ್, ಕೋಲಾಟ್, ಬೊಳಕಾಟ್, ಉಮ್‌ತಾಟ್, ಪುತ್ರರಿ ಕೋಲಾಟ್, ಕೊಡವ ವಾಲಗ, ಬಾಳೋಪಾಟ್, ಪೂಜೆ ಆಟ್, ದುಡಿ ಆಟ್, ತಾಲಿಪಾಟ್, ಕತ್ತಿಯಾಟ್ ಇನ್ನತದ ಕೂಡಿತಿಂಜತ್.

**'ಕಾವೇರಿ ತಾಲೂಕ್' ಕುಶಾಲನಗರ ಬಂದ್**

ಕೊಡಗಲ್ ಕುಶಾಲನಗರ ಪೂರ್ವಬಳಿನ 'ಕಾವೇರಿ ತಾಲೂಕ್' ಮಾಡಂಡೂಂದ್, ಸರ್ಕಾರತನ ಒತ್ತಾಯಿಚಿಟ್ಟತ್ ಅಲ್ಲಿಯತ ಸಂಘ ಸಂಸ್ಥೆಕಾರ ತಾ.12.2.2013ಂದ್ ಕುಶಾಲನಗರ ಬಂದ್ ಮಾಡಿತಿಂಜತ್. ಇಕ್ಕಾಯಿತ್ ರಾಜ್ಯ ಮುಖ್ಯಮಂತ್ರಿ ತಾಂಡ ಬಚೆಟ್‌ಲ್ 175 ತಾಲ್ಲೂಕ್‌ರ ಕೂಟ್‌ಕ್ ಪುನಾದಿಯ 43 ತಾಲೂಕ್ ರಚನೆಕ್ ಪ್ರಸ್ತಾಪ ಮಾಡಿತ್. ಇದತ್ ಕೊಡಗಲ್ ಕುಶಾಲನಗರ, ನಾಪೋಕ್ ಪಿಂಞ ಪೊನ್ನಂಪೇಟ್ ತಾಲ್ಲೂಕ್ ರಚನೆರ ಏಷಯ ಕೂಡಿತಿಂಜಿತಿಲ್. ಚೆನ್ನ ಕಾಲತಂಜ ಕೊಡಗಲ್ ಈ ಮೂಂದ್ ತಾಲ್ಲೂಕ್‌ಕಾಯಿತ್ ಆಯಾ ಪ್ರದೇಶಕಾರ ಒತ್ತಾಯಿ ಮಾಡಿಯಂಡ್ ಬಂದಿತ್.

**ಕೊಡಗಲ್ 3 ಕಡೆ ಸ್ಥಳೀಯ ಚುನಾವಣೆ**

ರಾಜ್ಯತರ್ ಸ್ಥಳೀಯ ಸಂಸ್ಥೆ ಚುನಾವಣೆಲ್, ಕೊಡಗಲ್

ವೀರಾಜಪೇಟೆ, ಸೋಮವಾರಪೇಟೆ ಪಿಂಞ ಕುಶಾನಗರ ಟೌನ್ ಪಂಚಾಯಿತಿಕ್ ತಾ.7.3.2013ಂದ್ ಚುನಾವಣೆ ನಡಪದುಂಡ್. ಪಲಿತಾಂಶ 11.3.2013ಂದ್.

**ಕೊಡಗ್ ಮಾಜಿ ಸೈನಿಕಂಗ್ ಪರಿವಾರ ಪಣಿ**

ಕೊಡಗಲ್ ಮಾಜಿ ಸೈನಿಕಂಗ, ಸೈನಿಕ ವಡಿಯ ಚಿತ್ರ ಪೋಸ್ಟಾಲ್ 2012-13ನೇ ಕಾಲತರ್ ಪರಿವಾರ ಪಣತನ ಇದೇ ಮಾರ್ಚ್ ತಿಂಗತ್ ಮಡಿಕೇರಿ-ಲುಳ್ಳ ಸೈನಿಕ ಕಲ್ಯಾಣ ಇಲಾಖೆಲ್ ದಾಖಲೆ ಕಾಟತ್ ಪಡ್‌ದವಲು. ಏರ ವಿವರಕ್ ಪೋನ್: 08272 229866

**ತಮಾಷಿ :-**

ಕಾಹಿಲಕಾರ ಪೊನ್ನ: ನೀನ್ ನಾಡ ಹ್ಯದಯ ಕಟ್ಟಿಯಾ..! ನರ್ಸ: ನಾನ್ ನೀಡ ಹ್ಯದಯ ಕಪ್ಪಾಂಗ್ ಮುಪ್ಪಡ ಡಾಕ್ಟರ್ ನೀಡ ಕಿಟ್ಟಿ ಕಟ್ಟಿಯಾ ಗೊತ್ತಾ..!

ಕುಟ್ಟಣೆಕ್ ಡಾಕ್ಟರ್: ಎಕ್ಕಲೂ ನೀನ್ ಸ್ವಿಮ್ ಮಾಡ್ ಸ್ವಿಮ್ ಆಪಿಯಾ. ಕುಟ್ಟಣೆ: ಎಂಫಣ್ಣುಮಿರಾ ಸಾರ್..ತಿಮಿಂಗಿಲ ಎಕ್ಕಲೂ ಸ್ವಿಮ್ ಮಾಡವ. ಅದ್ ಸ್ವಿಮ್ ಆಯಿತ್?

ಡಾಕ್ಟರ್ : ನೀನ್ ದಂದ್ ಗಂಜೆರೊಳಿಯ ಚಿತ್ತ ಪೋಪಿಯ. ಎನ್ನೇಂಗಿ ಆಚೆಂಟ್ ನೋಟುಡವಾ? ಕಾಯಿಲಕಾರ: ಅಕ್ಕಿ ಸಾರ್. ನಲ್ಲ ಡಾಕ್ಟರ್‌ನ..!

ಪೋಣ್‌ರ ಕೆಲ ನೋಬಲಕಾಂದ್ ವಡಿಯ ಅವಳ ಡಾಕ್ಟರ್‌ರಲ್ಲಿಕ್ ಕೂಟಿಯ ಪೋಚಿ.ಡಾಕ್ಟರ್ ಅವಳ ಚೆಕ್ ಮಾಡುವಕ್ ಒಲ್‌ಕ್ ಕಾಕಿಯಂಡತ್. ಆಕ್ಕಣೆ ಅವ: ನಾಡ ವಡಿಯನ ಒಲ್‌ಕ್ ಕಾಕಿ. ಡಾಕ್ಟರ್: ಕೆಲ ನೋಬಲ ನೀಕಾ ಅಲ್ಲಾ ವಡಿಯಂಗಾ? ಕಾಯಿಲಕಾರ: ಪೋಮೆ ನರ್ಸ ಒಟ್ಟಲೇ ಉಂಡ್. ಅದಂಗ್..ವಡಿಯನ ಇಪ್ಪರ ಕಾಕಿಂ..ಎನ್ನಿರುವವಾ!

ವೀರಾಜಪೇಟೆ ತಾಲ್ಲೂಕ್ 5ನೇ ಕನ್ನಡ ಸಾಹಿತ್ಯ ಸಮ್ಮೇಳನ ತಾ.13.03.2013ಂದ್ ನಡಪದುಂಡ್. ಇದಂಡ ಅಧ್ಯಕ್ಷಿಣಿ ನಿವೃತ್ತ ಉಪಾಧಿಪತಿ ಪಿಂಞ ಸಾಹಿತಿ ಕೇಚಮಾಡ ಸುಬ್ಬಮ್ಮ ತಿಮ್ಮಯ್ಯ.

**ಮಂಗಳೂರ್ ವಿವಿರ ಕೊಡವ ಅಧ್ಯಯನ ಶೀತ :**

ಮಂಗಳೂರ್ ವಿಶ್ವವಿದ್ಯಾಲಯತ್ ನಡಂದಂಡುಳ್ಳ 'ಕೊಡವ ಅಧ್ಯಯನ ಶೀತ'ತರ್ ಮೂಲಕ ಕೊಡವ ಸಾಹಿತ್ಯ ಸಂಸ್ಕೃತಿರ ಬೊಳಚೆಕೂ ಸುಮಾರ್ ಕಾರ್ಯಕ್ರಮ ಮಾಡ್‌ಡುಂಡ್. ಕೊಡವ ಶಬ್ದ ಕೋಶ ರಚನೆ ಮಾಡಿಯಂಡುಂಡ್. ಕೊಡಗಲ್ ಚರಿತ್ರೆ, ಕೊಡಗಲ್ ಸಾಂಸ್ಕೃತಿಕ ಬೀರ್ಯ ಕೂಡನ ವಿಷಯತ್ ಬಲ್ಲ ಪುಸ್ತಕ ಪೊರ ಬಣಕುವ ಕೂ ತಂಯಾರಿ ನಡಂದಿತ್‌ಂದ್ ಉಪಕುಲಪತಿ ಪ್ರೊ. ಶಿವಶಂಕರಮೂರ್ತಿ ತಾ.18.2.2013 ಂದ್ ಮಡಿಕೇರಿಲ್ ಅರಿಚಿಟ್ಟತ್.

ಅವು ತಕ್ಕ ಪರಂದಿತ್ 2013-14ನೇ ಕಾಲಾವಧಿಲ್ ಮಂಗಳೂರ್ ವಿದ್ಯಾಲಯತರ್ ಮೂಲಕ ಕೊಡವ ಭಾಷೆರ ಸರ್ಟಿಫಿಕೇಟ್ ಕೋರ್ಸ್, ಡಿಪ್ಲೋಮಾ ಕೋರ್ಸ್, ಪಿ.ಜಿ. ಡಿಪ್ಲೋಮಾ ಕೋರ್ಸ್‌ರನ್ನತ್ ಸುರುವಾಪದುಂಡ್. ಕುಶಾಲನಗರ ಪಕ್ಕತ ಅಳುವಾರತರ್ ಪುದಿಯಿ ಎ.ವಿ. ಕೇಂದ್ರತ್ ಪಿ.ಜಿ. ಕೋರ್ಸ್ ತೊರಪದುಂಡ್ ಎಣ್ಣೆಚಿ.

**ಬಾಳಗೋಡ್‌ಲ್ 17ನೇ ಮಾದಂಡ ಕರ್ಪ್ ಹಾಕಿ:ಒಕ್ಕಡ ಟೀಂ ದಾಖಲೆ ಮಾರ್ಚ್‌10ಂಡ ಒಳಿಯ :**



ಕೊಡಗಲ್ ಕೊಡವ ಹಾಕಿ ಅಕಾಡೆಮಿರ ಆದನೆಲ್ ನಡಪ 17ನೇ ಕಾಲತರ್ ಕೊಡವ ಒಕ್ಕಡೊಕ್ಕಡ ಹಾಕಿ ಕಳಿ ನಮ್ಮ ಇದೇ ಏಪ್ರಿಲ್ 14ತಿಂಜ ಮೇ 5 ಕೆತ್ತಣೆ ನಡಪದುಂಡ್. ಇದಂಗ್ ಒಕ್ಕಡೊಕ್ಕಡ ಟೀಂ ದಾಖಲ್ ಮಾಡುವಕ್ ಆಖೀರಿ ತಾರೀಖ್ ಮಾರ್ಚ್‌10, 2013. ವಿವರಕ್ ಆಫೀಸ್: ಸೌತ್ ಕೂರ್ಗ್ ಕ್ಲಬ್ ಕಟ್ಟಡ, ಮುಖ್ಯ ರಸ್ತೆ, ವೀರಾಜಪೇಟೆ - 571218. ಕೊಡಗ್. ಮೊಬೈಲ್: 9986330161. ಕೊಡಗರ್ 17 ಮುಖ್ಯ ಪಟ್ಟಣತ್ ಟೀಂ ಎಂಟ್ರಿ ಎಡ್ವರ್ಕ್ ವ್ಯವಸ್ಥೆ ಮಾಡಿತ್. ಎಂಟ್ರಿ ಫೀಸ್: 1000/-ಉರಪಿಯ.

ಮಡಿಕೇರಿ ಫೀ.ಮಾ.ಕಾರ್ಯಪ್ಪ ಕಾಲೇಜ್ ಮಾರ್ಚ್‌24ಂಗ್ ಪಳಿ ವಿದ್ಯಾರ್ಥಿಯಡ ಕೂಟ : ಮಡಿಕೇರಿ ಫೀ.ಮಾ.ಕಾರ್ಯಪ್ಪ

(ಸೀನಿಯರ್) ಕಾಲೇಜ್‌ರ ಪಳಿಯ ವಿದ್ಯಾರ್ಥಿಯಡ ಸಂಘತರ್ ಅಧ್ಯ ಒತ್ತೂರ್ಮೆ ಕೂಟ ಇದೇ ಮಾರ್ಚ್ 24ಂಗ್ ಕಾಲೇಜ್ ಆಡಿಟೋರಿ-ಯಂಲ್ ನಡಪದುಂಡ್. ಅಂದ್ ಪಳಿಯ ವಿದ್ಯಾರ್ಥಿ ಸಂಘತರ್ ಮೊದಲ್‌ರ ಗೇನ-ಸವಿ ನೆನಪು ಎಣ್ಣುವ ಕಾರ್ಯಕ್ರಮ ಏರ್ಪಡಿತ್. ಪರಸ್ಪರ ಪರಿಚಯ, ತಕ್ಕ ಬಾಕ್, ಸಾಂಸ್ಕೃತಿಕ ಪ್ರದರ್ಶನ, ಕರಾವರಿ ಪೈಪೋಟಿ, ಸಾಧಕಂಗಡ ಸನ್ಮಾನ ಇನ್ನತದಲ್ಲಾ ನಡಪದುಂಡ್. 1949 ಲ್ ಸ್ಥಾಪನೆಯಾನ ಈ ಕಾಲೇಜ್‌ಕ್ ಇಕ್ಕ 64 ಕಾಲ. ಕಾಲೇಜ್‌ರ ಪಳಿಯ ವಿದ್ಯಾರ್ಥಿಂಯಡ ಸಂಘಕ್ ಜೀವಾವಧಿ ಸದಸ್ಯ ಆಪವು 500/-ಉ. ಕೊಡ್ತಿತ್ ರಶೀತಿ ಪಡ್‌ದವಲು. ಬೆಂಗಳೂರ್‌ಲ್ ಈ ಸಂಘಟನೆರ ಸಮಿತಿ ಸದಸ್ಯ-ಯಿಲಯಂಕತ್ ಉಳ್ಳ ಐತವು ಕೆ. ಪೊನ್ನಪ್ಪ(ಸಾಬು) ಮೊಬೈಲ್: 9845935751. ಏರ ವಿವರಕ್ ಸಂಘತರ್‌ಕೊಡಗ್ ಸಂಚಾಲಕ: ಮುಕ್ಕುಟಿರ ಚೋಟು ಅಪ್ಪಯ್ಯ, ಪಾರಾಣ್. ಪೋನ್: 08274 268488/ 9448503890 ಇಂಯಂಗಡ ಕೂಡಂಯೂ ವ್ಯವಹರಚೆಡಲು.

**ಕೊಡಗಲ್ ನಮ್ಮೆ**

ಮೈತುಂಜಯ ನಮ್ಮೆ ಮರೆನಾಡರ ಬಾಡಗರಕೇರಿಲುಳ್ಳ ಶ್ರೀ ಮೈತುಂಜಯ ದೇವಸ್ಥಾನತರ್ ಕಾಲತರ್ ನಮ್ಮೆ ಫೆಬ್ರವರಿ21ಂದ್ ಸುರುವಾಯಿತ್, ಇದೇ ಮಾರ್ಚ್ 4ಂದ್ ದೇವಕುಳಿರ ಕೂಡೆ ಆಖೀರಿಯಾಪದುಂಡ್.

ಚಿನ್ನತಪ್ಪ ದೇವಡ ನಮ್ಮೆ ಭಾಗಮಂಗಲ ಪಕ್ಕತ ಅಯ್ಯಂಗೇರಿ ಚಿನ್ನತಪ್ಪ (ಶ್ರೀ ಕೃಷ್ಣ) ದೇವಡ ನಮ್ಮೆ ಇದೇ ಮಾರ್ಚ್ 4 ತಿಂಜಿ 7 ಕೆತ್ತಣೆ ನಡಪದುಂಡ್.

ಕದನೂರ್ ಭಗವತಿ ನಮ್ಮೆ ವೀರಾಜಪೇಟೆ ಪಕ್ಕತ ಕದನೂರ್ ತ್ರೀ ಭಗವತಿ ಚಪಾಲ್ ಪುಟ್ಟ ನಮ್ಮೆ ಕಯಿಂಜ ಫೆಬ್ರವರಿ19 ತಿಂಜಿ ಸುರುವಾಯಿತ್. ಇದೇ ಮಾರ್ಚ್ 8ಂದ್ ಆಖೀರಿ ನಮ್ಮೆ.

ಕಾಂತೂರ್ ಭಗವತಿ ನಮ್ಮೆ ಮೂರ್ನಾಡ್ ಕಾಂತೂರ್ ಶ್ರೀ ಭಗವತಿ(ಪೂರ್ವಿ) ನಮ್ಮೆ ಇದೇ ಮಾರ್ಚ್ 29 ತಿಂಜಿ 31 ಕೆತ್ತಣೆ ನಡಪದುಂಡ್.

ಮಾ. 11ಂಗ್ ಇರ್ಪು ಚಾತ್ರ ಶ್ರೀಮಂಗಲತರ್ ಇರ್ಪು ಶ್ರೀ ರಾಮೇಶ್ವರ ದೇವಸ್ಥಾನತ್ ಮಾರ್ಚ್ 10. ಶಿವರಾತ್ರಿಯಂಡ್ ಇಲ್ಲಿ ವಿಶೇಷ ಪೂಜೆ ನಡಪ. ಶಿತ್ಯಾಂಡ್ ಮಾ.11ಂದ್ ಇರ್ಪು ಚಾತ್ರ ನಡಪದುಂಡ್.

**ಹೊನ್ನಂಹೆಟೆ ಅಧ್ಯಕ್ಷ ಕವಿ ಪಿಯು ಕಾಲೇಜ್**



ಪೊನ್ನಂಹೆಟೆ ಪಕ್ಕ ತ ಚಿಕ್ಕವಂಡೂಲ್ ಉಳ್ಳ ಅಪ್ಪಚ್ಚಕವಿ ವಿದ್ಯಾಲಯತರ್ 2ನೇ ಪಿ. ಎಂ. ಸಿ. ವಿದ್ಯಾರ್ಥಿಯಡ ಗ್ರಾಜುವೇಶನ್ (ಪದವಿ) ಸಮಾರಂಭ ತಾ.05.02.2013 ಂದ ಕೊಡವ ಸಮಾಜ ಎಜುಕೇಶನ್ ಕೌನ್ಸಿಲ್ ಅಧ್ಯಕ್ಷ ಕಾಟಮಾಡ ಜಿಮ್ಮಿ ಅಣ್ಣಂಯ್ಯಂಡ ಅಧ್ಯಕ್ಷತೆಲ್ ನಡಂದತ್. ಮುಖ್ಯಬೆಂದು ಮುಖ್ಯ ಶೈಕ್ಷಣಿಕ ಸಲಹೆಗಾರ ಕೋಳರ ಸಿ. ಮುದ್ದಪ್ಪ

ಸುರೂಲ್ 1ನೇ ಪಿಯು ವಿದ್ಯಾರ್ಥಿನಿ ಅನುಷಾ ಸ್ವಾಗತ ಬಂಯಂದತ್. ಆಡಳಿತ ಮಂಡಳಿ ಕಾರ್ಯದರ್ಶಿ ಚಿಟ್ಟು ಮಾಡ ಕಾಶಿ ತಮ್ಮಯ್ಯ ಐನಂಡ ಮಂದಣ್ಣ. ಸುಳ್ಳೆವಾಡ

ತಿಮ್ಮಯ್ಯ ಬೋಳಿಯಂಗಡ ದಾದು ಪೂವಯ್ಯ ಕಾಳಿಮಾಡ ಎಂ. ಮೋಟಯ್ಯ ಮತ್ತಂಡ ಅಪ್ಪಚ್ಚು ಮೂಕಳರ ಆಶಾ ಪೋಣ್ಚೆ ಮೂಕಳರ ರವಿ ಮುತ್ತಮ್ಮ ಮಕ್ಕಕ್ ತಕ್ಕಲ್ ನಲ್ಲದ್ ಬಿಯಂದತ್.

ಮುಖ್ಯಬೆಂದು ಕೋಳರ ಸಿ. ಮುದ್ದಪ್ಪ, ಸಂಸ್ಕರ ಅಧ್ಯಕ್ಷ ಕಾಟಮಾಡ ಜಿಮ್ಮಿ ಅಣ್ಣಯ್ಯ ತಕ್ಕ ಪರಂದತ್. 2ನೇ ಪಿಯುಸಿರ ಕಾಸಿಂಕ್ ನಲ್ಲ ವಿದ್ಯಾರ್ಥಿಂ ಗೌರವಿಚಿಟ್ಟತ್. ಪ್ರಿನ್ಸಿಪಾಲ್ ವಿಮಾ ಪೂವಯ್ಯ ಮಕ್ಕಕ್ ನಲ್ಲದ್ ಬಿಯಂದಿತ್ ತಕ್ ಪರಂದತ್. ಉಪನ್ಯಾಸಕಿ ಲಿಡ್ನ್ಸ್ ವಂದನಾರ್ಪಣೆ ಮಾಡ್ಚಿ.

**16ನೇ ಕಾಲತರ್ ಫೀಮಾ ಕೆ.ಎಂ. ಕಾರ್ಯದ್ಡ ಹಾಕಿ**



**ಅಧ್ಯಕ್ಷ ಕವಿ ನ್ನೂಲ್ ಮಕ್ಕಡ ಸಾಧನೆ**

- |  |   |
|--|---|
| ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ಮಾದಾಪುರತ್   | ಉಮತಾಟ್ - 2ನೇ  |
| ಫೆಬ್ರವರಿ 8ಂದ ನಡತ್ನ 'ಕೊಡವ ವಾನಮಲ್' ಪೊನ್ನಂಹೆಟೆ ಅಪ್ಪಚ್ಚಕವಿ ವಿದ್ಯಾಲಯತರ್ ಮಕ್ಕಕ್ ಸಾಂಸ್ಕೃತಿಕ ಆಟಪಾಟ್ಲ್ ಸುಮಾರ್ ಇನಾಮ್ ಕಟ್ಟತ್. | ಬಾಳೋಪಾಟ್ - 2ನೇ  |
| ಮುತ್ತರಿ ಕೋಲಾಟ್ - 1ನೇ   | ಸಮೃದ್ಧ ಅಡಕುವ - 3ನೇ  |
| ಕತ್ತಿಯಾಟ್ - 1ನೇ  | ನಾಟಕ ಪೈಪೋಟಿ - 1ನೇ   |
| ಪರೆಯಕಳಿ - 2ನೇ  | ನಲ್ಲ ಪೊರಪಾಡ್ - 2ನೇ  |
| ಬೋಳಕಾಟ್ - 2ನೇ  | ಪಾಟ್ಕೋಲ್ ಆಟ್ - 2ನೇ  |
|  | ಸ್ಕೂಲ್ ಶೈಕ್ಷಣಿಕ ಪಿಂಞ ಸಾಂಸ್ಕೃತಿಕ ಸಲಹೆಗಾರ ಕಾಳಿಮಾಡ ಎಂ. ಮೋಟಯ್ಯ ಮಕ್ಕಕ್ ಆಟ್ ಪಾಟ್ ರ ಮಾರ್ಗದರ್ಶನ ಮಾಡ್ಚಿ. |

**ನಂಗಡ್ಡ ಮಡಿ ಶ್ಲೋ - 3**

ವಂಗಳ ಬಂಯತ್ ಕ್ ಬಂದವು ಕ್ಣಿ-ಮೂಡಿ ತೇಡ್ ವಕಾಪಕ ಆಪರ್ ಎಣ್ಣುವ ಶಬ್ದತನ ಏರ ಬಳಕಿ ವೂಡಿಂಯಂಡಂ. 'ತಂದಾಬಂದಾ' ಎಣ್ಣುವ ಶಬ್ದತನ ಕ್ರಮೇಣ ಬರಿಕ್ ಮಾಡಿತ 'ಆಪರ್' ಶಬ್ದ ಚಲಾವಣೆಕ್ ಬಂದಿತ್. ಆಪರ್ ಮಾಡವ, ಆಪರ್ ಉಂಡಾಂ ಎಣ್ಣಿಯೆಂಡ್ ಪೋಪಕ, ಓದನ್ ಮಕ್ಕ 'ಜಾಬ್ ಆಪರ್' ಎಂದೂ ಪುದಿಯ ಶಬ್ದತನ ರೂಡಿ ಮಾಡಿಯಂಡಿತ್ !

**"ಆಪರ್"**

ಉದ್ಯೋಗ ತೇಡಿ ಪೋಪಕ, ಇಂಟೆರವ್ಯೂವ್, ಬೋರೆ ಬೋರೆ ಮುಟ್ಟುತರ್ ಸಲೆಕ್ಸನ್ ಪಾಸಾಯಿತ್ ಆನದು, ಕಂಪೆನಿಕಾರ ಉದ್ಯೋಗಿ ಆಪಯಿಂಗಕ್ ಜಾಬ್ ಆಪರ್ 'ಕೊಡಪ ಕ್ರಮ ಉಳ್ಳದ್. ಸಂಬಳ, ಕಂಡಿಷನ್, ಎಗ್ರಿಮೆಂಟ್... ಕೂಡವಕುಳ್ಳ ತಾರೀಖ್ ಇನ್ಸುರನ್ಸ್ ಜಾಬ್ ಆಪರ್ಲ್ ಕೊಡಿತಿಪ್ಪ, ಉದ್ಯೋಗಿ ಆಪವು ಇದನ್ ನೋಟಿತ್ ಒತ್ತವದ್, ಬೂಡಾವದ್ ಮಿಂಞಾಕ್ ನಡಪ ಕ್ರಮ.

**ಕೊಡರ್ ಪ್ರೆಸ್‌ಪಾಟ್ ಅಧ್ಯಕ್ಷ ಉಳ್ಳಿಯಡ ಎಂ. ಪೂವಯ್ಯ**

ವೋವಕ್ ನಲ್ಲೋರ್ 'ಆಪರ್' ಉಂಡೇಂದ್ ಅಪ್ಪವ್ವಂಗ ಎಣ್ಣಿನಕ, ನಲ್ಲೋರ್ ತಂದ ಎಣ್ಣುವ ಕೊಡವ ಶಬ್ದಾರ್ಥ ಬಪ್ಪ, ಒಟ್ಟಾರೆ ಆಪರ್ ಎಣ್ಣುವ ಕೊಡವ ಶಬ್ದಾರ್ಥ ಬಪ್ಪ, 'ಆಪರ್' ಎಣ್ಣವ ಶಬ್ದ ತಂದಾ ಬೆಂದುಲ್, ಜಾಬ್ ವೇಕೆನ್ಸಿಲ್ ಬೋರೆ ಬೋರೆ ಅರ್ಥ ಬಪ್ಪ, ಚಿರಿಯವು ಬಲ್ಲವು ಎಣ್ಣವ ಆಯಾ ಸಂದರ್ಭಕ್ ಸರಿಯಾಯಿತ್ 'ಆಪರ್' ಶಬ್ದ ಬಳಕೆಲ್ ಉಂಡ್.

1ನೇ ಪಾಳೆಂಚ ಸಭೆಲ್ 'ಶಕ್ತಿ' ಪತ್ರಿಕೆರ ಪ್ರಧಾನ ಸಂಪಾದಕ ಜಿ. ರಾಜೇಂದ್ರ, ಪ್ರೆಸ್ ಕ್ಲಬ್ ಉಪಾಧ್ಯಕ್ಷ 'ಕೊಡಗ್ ಸಮಾಚಾರ' ಪತ್ರಿಕೆರ ಸಂಪಾದಕ ಬಿ.ಎನ್. ಮನು ಶೆಣೈ, ಕ್ಲಬ್ ನಿರ್ದೇಶಕಂಗಳಾನ ಲೋಕೇಶ್ ಸಾಗರ್, ಉಳ್ಳಿಯಡ ಡಾಟಿ. ಪೂವಯ್ಯ, ಕೊಡಗ್ ಜಿಲ್ಲಾ ಪತ್ರಕರ್ತಂಗಳ ಸಂಘತರ್ ಅಧ್ಯಕ್ಷ ಶ್ರೀಧರ ನೆಲ್ಲಿತಾಯಿ, ಪ್ರೆಸ್ ಕ್ಲಬ್ ಇಕ್ಯಾಕ್ಟಿವ್ ಅಧ್ಯಕ್ಷ ಎಚ್. ಟಿ. ಅನಿಲ್, ಪ್ರುದಿಯ ಅಧ್ಯಕ್ಷ ಉಳ್ಳಿಯಡ ಎಂ. ಪೂವಯ್ಯ ತಕ್ಕ ಪರಂದತ್. ಪ್ರೆಸ್ ಕ್ಲಬ್ ಪ್ರಧಾನ ಕಾರ್ಯದರ್ಶಿ ರಫೀಕ್ ತೊಚಮಕೇರಿ ಸಭೆಲ್ ಕ್ಲಬ್ ವರದಿ ಓದ್ಚಿ. ಖಜಾಂಚಿ ಎಸ್. ಗಣೇಶ್ ಕುಮಾರ್ ಲೆಕ್ಕಪತ್ರತನ ಸಭೆಕ್. ಒಪ್ಪು ಚಿಟ್ಟತ್. ರಫೀಕ್ ಕಾರ್ಯಕ್ರಮ ನಿರೂಪಣೆ ಮಾಡಿತ್ ವಂದನಾರ್ಪಣೆ ಮಾಡ್ಚಿ.

**ಬೋಳಕಾರಂಡ ಸೀತಮ್ಮ - ಹಂಗಾಮಿ ಲಿಜಿಸ್ಟ್ರಾರ್**  
ಬೆಂಗಳೂರ್ ವಿಶ್ವವಿದ್ಯಾಲಯತರ್ ಹಂಗಾಮಿ ರಿಜಿಸ್ಟ್ರಾರ್ ಆಯಿತ್ ಡಾ. ಬೋಳಕಾರಂಡ ಸೀತಮ್ಮ (ತಾಮನೆ : ಕೊಕ್ಕಲೆರೆ) ನೇಮಕ ಆಯಿತ್. ಇವು ವಿ.ವಿ.ಲ್. ಪೊಪೆಸರ್ ಆಯಿತಿಂಜತ್.

## ಬೆಂಗಳೂರ್ ಕೊಡವ ಸಮಾಜ : 10ನೇ ಕಾಲತರ ಅಂತರ ಸಂಘ ಕೊಡವ ಸಮಾಜ ಕಪ್ ಹಾಕಿ ಇನಾಮು



ರನ್ನರ್ಸ್ ಆಫ್ : ಬಾಸುನವಾಡಿ ಏರಿಯಾ ಕೊಡವ ಅಸೋಸಿಯೇಷನ್  
ಕ್ರೀಡಾ ದಾನಿಯ : ಅಭ್ಯರ್ಥಕರ ರವಿ ನಾಣಯ್ಯ, ಮುಕ್ತಾ ಕವಸ್ತುಕ್ರಮ್ ಪಿಂಞ ನಗರ್ ಉ. 20,000/- ಇನಾಮು



ನೆರೆ ಸ್ಪಾನ್ಸ್ : ನೆಲ್ಲಕ್ಕ ಕೊಡವ ಸಂಘ  
ಕ್ರೀಡಾ ದಾನಿಯ : ಚಾರಮಂಡ ಬೊಟ್ಟಪ್ಪ, ಕೂರ್ಗ್ ಗ್ಲಾಬ್‌ಬೊಸ್ ಪಿಂಞ ಉ. 15,000/- ನಗರ್



4ನೇ ಸ್ಪಾನ್ಸ್ : ತಿಪ್ಪಸಂಪ್ಪ ಸ್ಪೋರಟಿ, ಕ್ರೀಡಾ ದಾನಿಯ ಕೊಕ್ಕಲರ ಬಿ ಕುಟ್ಟಪ್ಪ, ಅಪ್ಪಕ್ಕ  
ಕೊಡವ ಸಮಾಜ ಸ್ಪೋರ್ಟ್ಸ್ ಪಿಂಞ ರಿಪಬ್ಲಿಕನ್ ಸ್ಪರ್ 10,000/- ಉ.



ಬೆಸ್ತ್ ಗೋಲ್‌ಕೀಪರ್ : ಬಾನವ ಕುಟ್ಟಪ್ಪ, ಎಕ್ಸ್‌ಪ್ರೆಸ್ ಆಫ್ ಕೊಡವ ಸಂಘ,  
ಕ್ರೀಡಾ ದಾನಿಯ: ಬಮಾಡಿಯಂಡ ಗಿರವಪಿ



ಬೆಸ್ತ್ ಏಲ್‌ಬ್ಯಾಟ್ : ಚಂದಮಾಡಿ ನಿನಾ, ಲೋಕಮಾಡು ಕೊಡವ ಸಂಘ  
ಕ್ರೀಡಾ ದಾನಿಯ : ಬೊಟ್ಟಂಡ ರೋಡರ್



ಬೆಸ್ತ್ ಬಾಬ್ಸ್ ಬ್ಯಾಟ್ : ಪಿ.ಕೆ. ಸೋಮಯ್ಯ, ನೆಲ್ಲಕ್ಕ ಕೊಡವ ಸಂಘ,  
ಕ್ರೀಡಾ ದಾನಿಯ : ಚೆಪ್ಪುಡಿರ ಎಸ್. ಬೊಣ್ಣಪ್ಪ



ಬೆಸ್ತ್ ಪಾವರ್ಸ್ : ಮುಕ್ಕಾಟಿರ ಪೂಜಪ್ಪ, ಬಾಸುನವಾಡಿ ಏರಿಯಾ ಕೊಡವ ಅಸೋಸಿಯೇಷನ್  
ಕ್ರೀಡಾ ದಾನಿಯ : ಮಣಕಟಿರ ಅಪ್ಪ್ ಪೂವಣ್ಣ



ಫೈನಲ್ ಪ್ಲೇ ಟೀಂ : ಶ್ರೀ ವಿಜಯ ಗಿರವಪಿ ಕೊಡವ ಸಂಘ, ಸುಲ್ತಾನ್‌ಪಾಲ್ಕೆ  
ಕ್ರೀಡಾ ದಾನಿಯ : ಬೊಟ್ಟೆವಂಡ ಅಟ್ಟಯ್ಯ



ಫೈನಲ್ ಆಫ್ ದಿ ಟೀರ್ನಮೆಂಟ್ : ಕೋಣೇರಿರ ಬಗಡಿರಾ ಬೊಣ್ಣಪ್ಪ,  
ಬಾಸುನವಾಡಿ ಏರಿಯಾ ಕೊಡವ ಅಸೋಸಿಯೇಷನ್, ಕ್ರೀಡಾ ದಾನಿಯ, ಅಲ್ಲಪ್ಪಿರ ಪ. ಸೂವಣ್ಣ